



BILTEN

OPĆINE SREBRENİK



CERTIFIKAT ISO 9001:2000
BROJ: 155865



IZDAJE: OPĆINA SREBRENİK • BROJ: 39 • MJESEC: SEPTEMBAR/RUJAN 2012. • BILTEN JE BESPLATAN • TIRAŽ 1000



Foto: Nedim Mujčinović

SADRŽAJ

- 2 Otkriveno spomen-obilježje u naselju Crveno Brdo
- 3 Obilježena 20.godišnjica formiranja 212. brdske brigade
- 4 43. i 44. sjednica OV-a Srebrenik
- 5 Obilježeni Dani otpora općine Srebrenik 2012
- 6 Otvoreno spomen-obilježje u Lipju
- 7 Novi vodovod u Ljenobudu; Izgradnja pješačke zone pored mag. puta
- 8 Obilježavanje 21. juna, Dana općine Srebrenik
- 9 Obilježavanje 21. juna, Dana općine Srebrenik
- 10 Otvorena hladnjača i pogon za preradu i pakovanje voća u Voćnom rasadniku u Šplonici.
- 11 Manifestacije „Pjesma za grad“ i „Plavo veće“; Otvoren tržni centar „Belamionix“
- 12 Intervju sa Zukić Ibrahimom, predsjedavajućim OV
- 13 Intervju sa Zukić Ibrahimom, predsjedavajućim OV
- 14 Promocije knjiga „Fantazmagorije vremena“ i „Civilna zaštita općine Srebrenik od 1992-1995.g.“
- 15 Promocija knjige „Bošnjaci nakon socijalizma“, prof. dr. Šaćira Filandre
- 16 Veće saza, sevdaha i etno muzike; Supertalent Srebrenik radija
- 17 Likovna kolonija „Majevica 2012“
- 18 Godišnji koncert polaznika OMS Srebrenik; Predramazanski koncert
- 19 OGUS 2012
- 20 OGUS 2012
- 21 OGUS 2012; Festival pjevača amatera „Tinja 2012“
- 22 „Žetva 2012“; Vježbe spašavanja Kluba spasilaca
- 23 Turnir „Džafer Hogić 2012“; Uspjeh odbojkaša na pijesku; „Streetball i trice 2012“
- 24 Uspjesi juniora OFK Gradina; Trocaderu Radničke igre; Čifluk najbolji u Ligi MZ-a



Detalj sa otkrivanja spomen-obilježja

Otkriveno spomen-obilježje u naselju Crveno Brdo

Dana 17.06.2012.g u 12 sati svečano je otvoreno šehidsko spomen-obilježje u naselju Crveno Brdo, MZ Zahirovići. Spomen-obilježje je osmougaonog oblika, natkriveno je i u sklopu istog se, u sredini, nalazi spomen-česma. U sklopu obilježja nalaze se dvije odvojene spomen-ploče, jedna sa imenima 7 poginulih boraca iz proteklog odbrambeno-oslobodilačkog rata i druga spomen-ploča sa imenima 3 poginula borca iz NOR-a, sa ovog mjesnog područja. Uz brojne goste, prisutnim majkama, sestrama, očevima, braći..., koji su brisali suze prisjećajući se svojih najmilijih, obratio se načelnik Općine Srebrenik, Mehmed Bajrektarević, koji je između ostalog kazao: -Ovo spomen-obilježje svakodnevno će nas podsjećati na sinove Bosne iz Crvenog Brda, njih sedam koji su položili svoje živote, kako bismo mi danas slobodno koračali našom domovinom. Da nam je u tradiciji stalna borba protiv fašizma, govori i



Detalj sa otkrivanja spomen-ploče poginulim u NOR-u

druga spomen-ploča, sa imenima poginulih u NOR-u, tako da je to

neka vrsta simbolike. Neka ovo spomen-obilježje bude jedan mali znak zahvalnosti i neka to bude opomena svima nama ubuduće. Nakon uvodnog govora zajednički su otkrili spomen-obilježje i spomen-ploču šehidima načelnik općine Srebrenik Mehmed Bajrektarević, predsjednica OPŠ-PB Srebrenik Senada Zahirović i predsjednik MZ Zahirovići Bešlaga Avdić, nakon čega su načelnik Bajrektarević, Bešlaga Avdić i Vlado



Spomen-obilježje u Crvenom Brdu

Ilić, predsjednik UBNOR-a Srebrenik, svečano otkrili i spomen-ploču poginulim u NOR-u. U nastavku programa Bešlaga Avdić je zahvalio izvršnoj i zakonodavnoj vlasti Srebrenika, koji su obezbijedili 8.000 KM te Ministarstvu za boračka pitanja u Vladi Tuzlanskog kantona, koji su obezbijedili 10.000 KM, za izgradnju ovog spomen-obilježja, koji su na taj način dokazali da ne zaboravljaju svoje najbolje sinove, te izrazio nadu da će se i ubuduće nastaviti pomagati i porodicama poginulih boraca i šehida.

U Srebreniku obilježena 20.-godišnjica 212. brdske brigade

Dana 06.09.2012.g., u organizaciji Općinske službe za službe za boračko-invalidsku zaštitu i srebreničkih boračkih udruženja, na gradskom šetalištu u Srebreniku, održana je prigodna svečanost, kojom je obilježena 20. godišnjica formiranja 212. brdske brigade Srebrenik. Uspomene na ratni put ove brigade evocirao je njen ratni komandant Abdurahman Fazlić, naglasivši da je 212. brigada u toku agresije na BiH bila uvijek tamo gdje su ratišta bila najvruća. –„Odmah nakon formiranja, početkom septembra 1992. godine borci ove brigade dobili su svoju stalnu zonu odgovornosti na linijama odbrane u Gradačcu, Brčkom i Čeliću, a učestovali su i u oslobodilačkim akcijama na brojnim ratištima širom BiH. Za nepune 4 godine kroz ovu jedinicu prošlo je preko 7.000 boraca, od kojih je njih preko 200 dalo svoje živote za odbranu BiH dok je stotina bilo teže ili lakše povrijeđeno“, istakao je Fazlić, naglasivši da su za nesebičnu hrabrost 4 pripadnika ove jedinice nagrađena i najvišim ratnim priznanjem „Zlatnim ljiljanom“. Nakon prigodnog referata, polaganjem cvijeća na centralno šehidsko spomen-obilježje, učenjem fatihe ili minutom šutnje, delegacije Općine Srebrenik, srebreničkih boračkih udruženja proisteklih iz ARBiH te predstavnici HVO Srebrenik odale su počast šehidima i poginulim borcima u proteklom ratu u BiH.



A. Fazlić: Četiri pripadnika ove jedinice su dobitnici Zlatnog ljiljana



Počast poginulim borcima je odala delegacija Općine Srebrenik



Detalj sa proslave 20.godišnjice 212. b.b.



Počast su odali i predstavnici HVO-a Srebrenik



Dužnu počast su odali i predstavnici boračkih udruženja

Izvještaj sa nastavka 43. sjednice OV-a Srebrenik

Dana 13.06.2012.godine održan je nastavak 43. sjednice OV-a Srebrenik. Međutim, obzirom da je nekoliko tačaka izazvalo veliku raspravu i da se na njima izgubilo dosta vremena, ni na ovoj sjednici nisu završene sve predviđene tačke dnevnog reda te se ista konačno završila na sjednici održanoj nakon obilježavanja Dana općine. Izvještaj o radu i poslovanju JP „9. septembar“ izazvao je dosta polemike, gdje su vijećnici iznijeli nekoliko primjedbi i prijedloga u cilju poboljšanja rada ovoga preduzeća. Načelnik Mehmed Bajrektarević je kazao kako je u toku realizacija projekta angažovanja lica sa Biroa za zapošljavanje koji će biti uključeni u proces uklanjanja „divljih deponija“, kao jednog od posebnih problema kada je u pitanju ekologija i zaštita čovjekove okoline. Također, poboljšanje u ovoj oblasti očekuje se i od, nedavno uposlenih, komunalnih redara. Zaključeno je i to da se iz užeg dijela Centra, posebno sa Trga Alije Izetbegovića odvozi smeće svakim danom, s obzirom da se tokom vikenda nakupe ogromne količine smeća, te da se u narednom periodu pokašaju obezbijediti „boksevi“ za zbrinjavanje smeća, kako ga psi lutalice ne bi raznosili po ulicama. Veliku raspravu izazvala je i informacija o načinu formiranja cijene vode u JP „Vodovod i kanalizacija“, koja je na kraju ipak prihvaćena, s obzirom da je direktor ovoga preduzeća kazao kako bi nje-
no eventualno neusvajanje dovelo u



Detalj sa nastavka 43. sjednice OV-a Srebrenik

pitanje poslovanje firme. Zaključeno je da općinska resorna Služba zajedno sa ovim preduzećem sagleda sve primjedbe vijećnika i da ih pripremi za narednu sjednicu Općinskog vijeća o čemu će se ponovo raspravljati. Usvojena je i Informacija o stanju bezbjednosti na područje općine Srebrenik za 2011.godinu, a najveće primjedbe bile su na zaštitu od buke, s obzirom da su se stanari koji žive na Trgu žalili na veliku buku iz okolnih lokala, pa je na kraju zaključeno da resorna općinska služba u saradnji sa Policijskom stanicom i u skladu sa Zakonom djeluje i da sprovodi Zakon o zaštiti od buke. Ipak, najveću raspravu izazvala je Informacija o izboru najpovoljnijih ponuda za zakup poljoprivrednog zemljišta u vlasniš-

tvu države, gdje je bilo primjedbi na rad Komisije i na način bodovanja te na način sačinjavanja rang liste. Najveće nezadovoljstvo izrazili su d.d. „Voćni rasadnik“ i njihov direktor Tajib Joldić te Sabahet Džafić, pa su vijećnici dali ovlaštenje načelniku da zajedno sa Službom i Komisijom pokuša iznaći najkvalitetnije rješenje. Bez većih rasprava usvojena je Informacija Lovačkog društva „Majevica“ Srebrenik o gazdovanju lovnim područjem te informacije o sanaciji javnog puta u Falešićima i o izgradnji bunara u Podorašju. Na istoj sjednici odobrena su inicijalna sredstva od 50.000 KM, hitno neophodna za početak izgradnje zapadne tribine Gradskog stadiona čija je procijenjena vrijednost oko 743.000 KM.

Izvještaj sa 44. sjednice OV-a Srebrenik



Detalj sa 44. sjednice OV-a Srebrenik

Na 44. sjednici OV Srebrenik, najviše vremena se raspravljalo o formiranju organizacione jedinice za toplifikaciju u okviru JKP „9.septembar“, gdje se zadužuje Služba za prostorno uređenje i JKP „9.septembar“ da pripreme sve ono što je potrebno za ove aktivnosti, kako bi se ubrzano nastavio ovaj započeti projekat, koji je od velike važnosti za općinu Srebrenik. Dosta rasprave izazvala je i Informacija o gazdovanju

šumama na području općine Srebrenik. Zaključeno je da se uputi jedan prijedlog prema Skupštini TK da se traži osnivanje općinskog preduzeća za gazdovanje šumama, s obzirom da se velike količine šume eksploatišu sa našeg općinskog područja, a da od toga vrlo malo prihoda ostvari naša Općina, s obzirom da je sjedište ovoga preduzeća u Kladnju. Vijećnici su prihvatili davanje saglasnosti MZ Previle za izgradnju sportskog poligona u ovome mjestu, kao i Prijedlog mjera zdravstvene zaštite životinja, gdje će se iz budžeta Općine za ove namjene izdvojiti 31.500 KM i to 15.000 KM za cijepljenje goveda protiv antraksa, 2.000 KM za cijepljenje svinja te 12.600 KM za vještačko osjemenjavanje goveda, dok će 1.900 KM ostati u rezervi. Bez rasprave su usvojene Informacije o stanju u oblasti poljoprivredne proizvodnje, kao i o socijalnom statusu korisnika boračko-invalidske zaštite, zatim Prijedlog rješenja o utvrđivanju prava vlasništva u korist graditelja zgrade i to Stajić Senahide te Prijedlog zaključka o davanju saglasnosti za otuđenje nedovršenog objekta-kuće, Bijelić Zahidu, dok nije prihvaćen Prijedlog odluke o potrebi objavljivanja oglasa za imenovanje zamjenika Općinskog pravobranioaca.

Obilježeni Dani otpora općine Srebrenik 2012



Dobitnici priznanja Zlatna plaketa

Dana 18.06.2012.g., učenjem fatihe i polaganjem cvijeća na centralno šehidsko spomen-obilježje, delegacije Općine i boračkih udruženja odale su dužnu počast šehidima i poginulim borcima s područja srebreničke općine. U nastavku u Plavoj sali srebreničkog Doma kulture, održana je svečana proširena sjednica boračkih udruženja proisteklih iz proteklog rata u BiH, kojom su zaokružene brojne



Detalj sa obilježavanja Dana otpora 2012

aktivnosti organizirane u sklopu manifestacije „Dani otpora općine Srebrenik 2012“. Riječ je o tradicionalnoj manifestaciji kojom općina Srebrenik i boračka udruženja na jednom mjestu obilježavaju sve značajnije datume iz proteklog rata na području ove općine. Na stanje u Srebreniku uoči agresije na BiH, na planove srpskih paravojnih formacija, kao i na našu borbu, u svom referatu podsjetio je Bajro Imširović, predstavnik koordinacije boračkih udruženja Srebrenik. –„Predstavnici srpskog naroda općine Srebrenik imali su plan podijeliti ovu općinu i njen veći dio priključiti općini Lopare. U cilju realizacije tih planova, u Potpeću su se već od polovine 1991. godine mogla vidjeti uniformisana i do zuba naoružana lica, a iako je bio postignut veliki uspjeh u intenzivnim dogovorima o mirnom suživotu i izbjegavanju oružanog sukoba, ničim izazvane četničke formacije su 18. juna 1992. godine otvorile vatru na sanitetska vozila Doma zdravlja, koja su bila u humanoj misiji pružanja pomoći povrijeđenim i oboljelim licima“, istakao je Imširović, naglasivši da je, zahvaljujući brznoj akciji jedinica Štaba TO Srebrenik, već 21. juna 1992. godine osigurana komunikacija između Srebrenika i Tuzle i ponovo uspostavljena legal-

na vlast na cijelom području ove općine. Kako je istaknuto na sjednici aktivnosti u okviru ovogodišnjih „Dana otpora 2012.“ započele su obilaskom svih šehidskih mezarja i spomen-obilježja u naseljima na području ove općine, a organizirano je niz manifestacija kojima su se srebrenički borci podsjetili na dane ponosa, ali i tuge zbog gubitka života njihovih saobraca. U sklopu ove manifestacije u svim džamijama na području ove općine proučeni su tevhiidi. Proglašen je i najbolji kratkometražni film učenika srebreničkih osnovnih škola na temu „Kultura i tradicija u BiH“, a od pet pristiglih radova, najboljim je proglašen film Amara Ibrića „Povratak“, koji je i prikazan prisutnima u nastavku sjednice. Novčanu nagradu u iznosu od 200 KM Amarovom ocu dr. Neziru Ibriću, uručio je načelnik Bajrektarević, koji je istakao da je ovo tek mali podstrek mladom umjetniku a od njega, ali i druge nadarene djece, u budućnosti, očekujemo nove uspjehe. U nastavku sjednice načelnik Bajrektarević je prisutne podsjetio i na druge, manje poznate, detalje iz naše slavne borbe, posebno apostrofirajući da smo se zajedno sa pripadnicima HVO-a borili protiv zajedničkog nam neprijatelja. Na svečanoj sjednici boračkih udruženja najboljim borcima i članovima njihovih porodica uručena su i zaslužena priznanja. Za izuzetan doprinos u odbrani BiH, Zlatne plakete boračkih organizacija uručio je predsjedavajući OV-a Srebrenik prim.dr. Ibrahim Zukić. Posthumno su Zlatne plakete dodijeljene **Šefketu Brašnjicu i Azuru Bašiću**, a ovo veliko priznanje dobili su i **Edin Ibrić, Fadil Suljić, Hašim Selimović, Rasim Ademović, Admir Selmanović, Teufik Muminović, Seid Rahičić, Elvedin Čudić, Fadil Vejzović, Ibrahim Dedić, Samid Jusufović i Salko Hodžić**, a za doprinos u rješavanju socijalno-egzistencijalnih pitanja boraca Zlatna plaketa je uručena **Osman ef. Mujiću**. Na manifestaciji su dodijeljene i nagrade najboljim sa sportskog takmičenja u streljaštvu održanog dana 13.06.2012.g. u 11 sati na stadionu Sloge u Špionici Centar i to: 1. **„Ljiljan“ Srebrenik**, 2. Ekipa **OKP PS Srebrenik** i 3. Ekipa **PS Srebrenik**, dok je u pojedinačnoj konkurenciji najbolji bio **Bajro Imširović**. Vrijedi istaći i zapažen nastup učenika OŠ Rapatnica, koji su izveli prigodan kulturno-umjetnički program.

Otvoreno spomen-obilježje u Lipju

Dana 20.08.2012.g u MZ Lipje, svečano je otvoreno spomen-obilježje šehidima iz ovog mjesta, poginulim u proteklom odbrambeno-oslobodilačkom ratu. Uz brojne goste sa viših nivoa vlasti, prisutnim majkama, sestrama, očevima, braćima..., koji su brisali suze prisjećajući se svojih najmilijih, obratio se načelnik Općine Srebrenik, Mehmed Bajrektarević, koji je između ostalog kazao: -Ovo spomen-obilježje, u koje je uloženo 25.000 KM, svakodnevno će nas podsjećati na sinove Bosne iz Lipja, njih šest, koji su položili svoje živote, kako bismo mi danas slobodno koračali našom domovinom. Neka ovo spomen-obilježje bude jedan mali znak zahvalnosti i neka to bude opomena svima nama. Nakon uvodnih govora zajednički su otkrili spomen-obilježje načelnik općine Srebrenik Mehmed Bajrektarević, predsjedavajući OV-a Srebrenik Ibrahim Zukić, predsjednik MZ Lipje Čazim Sadiković, predsjednica OPŠ-PB Srebrenik Senada Zahirović, predsjednik Medžlisa IZ Srebrenik Mevludin ef. Joldić te članovi porodica poginulih boraca-šehida. U nastavku programa Čazim Sadiković je zahvalio izvršnoj i zakonodavnoj vlasti Srebrenika, koji su obezbijedili 15.400 KM te Ministarstvu za boračka pitanja u Vladi TK-a, koji su obezbijedili 5.000 KM, za izgradnju ovog spomen-obilježja, koji su na taj način dokazali da ne zaboravljaju svoje najbolje sinove. -Vijeće MZ-e Lipje do sada je uradilo mnogo na poboljšanju osnovne infrastrukture u naselju, počev od izgrađenog asfalta u zaseoku Šećici, dužine 500 metara, čija vrijednost radova iznosi oko 74.000KM. Zatim bih ovdje izdvojio i izgradnju mosta na Bijeloj rijeci, te prosijecanje puta na relaciji Bijela Rijeka – Podbjela, a vode se i aktivnosti na trajnom rješavanju pitanja vodosnabdijevanja u MZ Lipje. Izgradnja ovog spomen-obilježja je započeta 2010. g. i evo, nakon 2 godine, dočekasmo da ga svečano otvorimo. Nedostajućih 4.600 KM sredstava izdvojio sam lično, kako bi ovaj objekat bio završen na vrijeme i otvoren za Dan šehida. Dragi mještani, djeco, omladino i stariji pozivam vas da čuvamo ovo spomen-obilježje od oštećenja, da ga održavamo, jer ono je vlasništvo svih nas, da ga čuvamo, kao što čuvamo objekte u svojim avlijama i oko svojih kuća. Ne dozvolimo da ovo mjesto bude mjesto neprimjerenih okupljanja i sadržaja, koji nemaju nikakve veze sa namjenom objekta-istakao je Čazim Sadiković.



Šest šehida iz Lipja je dalo svoj život za našu slobodu



Na spomen-obilježje položeno je cvijeće i proučena fatiha



Trenutak otkrivanja spomen-obilježja u Lipju

U novi vodovod u Ljenobudu uloženo oko 720.000 KM



Trenutak puštanja novog vodovoda u upotrebu

kompleksnom poslu govori podatak da je izgrađen primarni cjevovod u dužini od oko 5200m (od postojećeg gradskog vodovoda do potisne stanice 1654m, od potisne stanice do rezervoara 1703m i od rezervoara do naselja Kuge 1831m), te urađen rezervoar zapremine 200 m³, u šta je utrošeno oko 528.000 KM, dok je paralelno izvršena rekonstrukcija primarne i sekundarne vodovodne mreže u Ljenobudu u dužini od oko 8100m u šta je utrošeno dodatnih 110.000 KM. Obzirom da se morala napraviti i nova trafo stanica sa priključnim dalekovodom vrijednosti oko 76.000 KM, ova investicija je na kraju izašla ukupno na oko 720.000 KM, od čega su mještani Ljenobuda prikupili oko 212.000 KM, dok je preostali iznos obezbijedila Općina Srebrenik i Vlada TK-a." Prisutnima se, ispred bivšeg načelnika Suljagića i bivšeg ministra Bećirevića, obratio Tursić Nermin, koji je pojasnio važnost ovog projekta za mještane Ljenobuda naglasivši de je vodu dobilo 166 domaćinstava u MZ Ljenobud ali i istakao da, i pored ogromnog

Dana 20.06.2012.godine, u sklopu obilježavanja 21. juna, Dana općine Srebrenik, u MZ Ljenobud je upriličena svečanost na kojoj je zvanično pušten u funkciju novi vodovod. Nakon vjersko kulturnog programa, brojnim prisutnima se obratio Zahirović Zuhdija, predsjednik MZ Ljenobud, koji je izjavio: -„Rješavanje dugogodišnjeg problema sa nedostatkom pitke vode u Ljenobudu započelo je u ljeto 2010.godine, kada je tadašnji načelnik Osman Suljagić uz finansijsku pomoć tadašnjeg ministra finansija u Vladi TK-a Bećirović Seada, obezbijedio inicijalna novčana sredstva za početne radove, i evo završava se danas. Nakon izrade projekata, dobijanja potrebnih dozvola izabran je najpovoljniji izvođač radova i iste je uspješno izvela firma „Reweus FCL“ Lukavac sa podizvođačem radova firmom „Hidromont“ Čehaje-Srebrenik, a sve radove je stručno nadzirao mještatin Zahirović Vehbija, dipl. inž. građevine. Da se radi o

posla koji je vidljiv i uspješno urađen, ima onih koji osporavaju ovaj projekat, valjda iz razloga što ga oni nisu osmislili i uradili. Načelnik Mehmed Bajrektarević je čestitao mještanima Ljenobuda na ovom velikom podvigu, ali je i naglasio solidarnost svih građana Srebrenika, koji su napojeni na gradski vodovod i koji su bili saglasni da se sa istog napoje mještani Ljenobuda, a uskoro i mještani Tinje i dijela Podorašja, čime bi konačno ovaj veliki problem vodosnabdijevanja trebao biti riješen. -„Kada MZ ima ovako vrijednog predsjednika kao što je Zahirović Zuhdija sa najbližim saradnicima, nema tog projekta koji se ne može realizovati, i to je putokaz i za ostale MZ-e kako treba raditi“ -istakao je načelnik Bajrektarević. U nastavku programa upriličena je dodjela zahvalnica i priznanja najzaslužnijim pojedincima, nakon čega su načelnik Bajrektarević Mehmed i Zahirović Zuhdija, simboličnim puštanjem vode na slavinu, zvanično pustili novi vodovod u upotrebu.

Uskoro završetak izgradnje pješačke zone pored mag. puta

Radnici firme „Reveus“ Lukavac, ovih dana privode kraju radove na izgradnji pješačke staze pored magistralnog puta Tuzla – Orašje, u najužem gradskom centru Srebrenika. U sklopu prve faze radova izgradit će se pješačka staza širine 2 m s lijeve strane magistralnog puta od gradskih semafora do raskrsnice kod tržnog centra „Bingo“ u dužini od oko 2 km. Uporedo s izgradnjom pješačke staze urađeni su i radovi na rješavanju problema odvodnje površinskih voda, izgrađeni potporni zidovi i metalne ograde na dijelu trotoara te omogućen kvalitetan pristup za nekoliko ulica odn. brojnim građanima ovog dijela Srebrenika, a postavljeni su i podzemni kablovi i temelji za stubove savremene ulične rasvjete. Prema riječima Halida Kovača, stručnog savjetnika za planiranje, investicije i razvoj u Općinskoj službi za budžet, poduzetništvo i nadzor Srebrenik, vrijednost prve faze radova je 300.000 KM. Uz rješavanje imovinsko – pravnih odnosa, općina Srebrenik je osigurala i finansijsko učešće u iznosu od 50.000 KM, dok će preostalih 250.000 KM izdvojiti JP „Ceste Federacije BiH“ i Federalno ministarstvo prometa i komunikacija. U toku su i aktivnosti, ističe Kovač, na obezbjeđenju dodatnih 300.000 KM za drugu fazu radova na izgradnji pješačke staze od „Binga“ do skretanja u Ljenobud u dužini od oko 2 km. Prva faza radova trebala bi se okončati uskoro, obzirom da je gotovo

sve urađeno i veći dio je asfaltiran, a s obzirom na činjenicu da izuzetno frekventni magistralni put prolazi kroz uži gradski centar Srebrenika, realizacijom ovog projekta znatno će se povećati sigurnost velikog broja pješaka.



Novi trotoari pored mag. puta od semafora do TC Bingo

Svečanom sjednicom obilježen

Svečanom sjednicom Općinskog vijeća Srebrenik, na prigodan način je obilježen 21. juni, Dan općine Srebrenik. Na sjednici je bilo prisutno na desetine gostiju, kako iz Srebrenika tako i sa područja drugih općina, kao i iz susjednih država. Uz predstavnike izvršne i zakonodavne vlasti Općine Srebrenik, direktore JU-a i JP-a, vjerskih ustanova, boračkih udruženja te brojnih medija, svečanosti su prisustvovali i poslanik u Parlamentu FBiH Osman Suljagić, zamjenik predsjednika Skupštine TK-a Zlatko Šimić, hrvatski konzul u BiH Josip Juras, kao i mnogi drugi ugledni gosti.



Položeno je cvijeće i proučena fatiha na centralnom spomen-obilježju...

Nakon što je položeno cvijeće na spomen obilježje šehidima i poginulim borcima na Trgu Alije Izetbegovića iz rata 1992-1995.g., odnosno borcima NOR-a 1941-1945.g., održana je svečana sjednica OV-a Srebrenik, na kojoj je načelnik Općine Srebrenik Mehmed Bajrektarević kazao:



...kao i na spomen-kosturnici

-Srebrenik je poznat kao grad mira, tolerancije i suživota, koji gaji interkulturalni identitet. U teškim vremenima proteklog rata ostali smo dostojanstveni, nije bilo revanšizma prema drugima, tako da smo znali da iz te pozitivne energije i elana mora proisteci prosperitet općine. Od jedne od najnerazvijenih općina u predratnoj BiH, Srebrenik je danas srednje razvijena općina, grad mladih i prosperitetnih ljudi, grad uspješnog privatnog podu-



Načelnik Općine Mehmed Bajrektarević

zetništva. Čestitam svim građanima 21. juni, Dan općine Srebrenik, te obećajem daljni razvoj Općine, kroz implementaciju brojnih projekata, od kojih se neki realizuju, dok su drugi u fazi pripreme realizacije, kazao je Bajrektarević. Nakon prikazivanja 10 minutnog filma o infrastrukturnim projektima, realizovanim tokom proteklih godinu dana, u kojem je navedeno da je u infrastrukturu uloženo preko 5 miliona KM, uručena su općinska priznanja.

Najveće općinsko priznanje Plaketa dodijeljena je:

- **OFK "Gradina" Srebrenik** - za izuzetan uspjeh i ulazak u Premijer ligu BiH,
- **d.o.o. „Aksemt"** - za razvoj privrede,
- **ef. Osmanu Mujiću** - za doprinos u humanitarnom radu, te
- **Delić Nedžad** - za doprinos u razvoju sporta i infrastrukture na području MZ Kiseljak.

Uručene su i četiri Povelje, i to:

- **Fehimi Cviko** iz Špionice,
- **Ekremu Imširoviću** iz Dubokog Potoka,
- **Hajriji Mehić** iz Rapatnice i
- **Fahrudinu Selimoviću** iz Seone.

Humanistom godine je i ove godine proglašen **Fahir Zukić-Butro**.



Zukić Fahir zv. Butro je humanista 2012.g.

21. juni, Dan Općine Srebrenik

U nastavku programa uslijedila je i dodjela zahvalnica i to:



Ansambli "ZEFIR" Srebrenik

- Ansamblu „Zefir“ iz Srebrenika,
- Hasanu Čauševiću iz Srebrenika,
- Mensuru Keriću iz Špionice,
- Zuhdiji Moranjkiću iz Donjih Moranjaka,
- Raifu Mrkaljeviću iz Podorašja,
- Ćazimu Sadikoviću iz Caga,
- Nedžad Zahiroviću iz Ljenobuda te
- Nirmelu Muratoviću iz Previla.

Novčane nagrade dobili su:

- Admir Junuzović iz Kiseljaka,
- Muamer Kavazović iz Podorašja,
- Adisa Mašić iz Brda,


- Almira Mujačević iz Tinje,
- Emir Muratović iz Srebrenika te
- Mirheta Omerović iz Bjelava.



Prim.dr.Ibrahim Zukic i Fata Orlovic

Priznanje Počasna građanka općine Srebrenik je uručeno bošnjačkoj heroini **Fati Orlović** iz Konjević Polja.

Nakon zvaničnog dijela za goste je priređen prigodan kulturno-umjetnički program. Manifestacija je završena svečanim puštanjem u rad novoizgrađene hladnjače firme „Voćni rasadnik“ u Špionici, u čiju je izgradnju utrošeno oko 2 miliona KM.



Dobitnici općinskih priznanja i stimulativnih mjera u 2012.g.

Otvorena savremena hladnjača i pogon za preradu i pakovanje voća u Špionici

Dana 21.06.2012.godine, u sklopu obilježavanja 21. juna, Dana općine Srebrenik, u Voćnom rasadniku u Špionici kod Srebrenika svečano su otvoreni savremena hladnjača i pogon za preradu i pakovanje voća. Prigodnoj svečanosti, uz zaposlenike i poslovne partnere Voćnog rasadnika,



Tajib Joldić: U novoootvorenom pogonu posao će dobiti 20 radnika

prisustvovali su i predstavnici vlasti općine Srebrenik, Tuzlanskog kantona i Federacije BiH. U novoizgrađenom poslovnom objektu Voćnog rasadnika nalaze se poslovne kancelarije, izložbeno-prodajni prostor te savremena hladnjača kapaciteta 700 tona, koja raspolaže posebnim tunelima za duboko zamrzavanje i uskladištenje duboko zamrznutog voća te poseban prostor za smještaj i čuvanje voća u kontrolisanim uvjetima i do dvije godine. –Ova firma uspješno se bavi proizvodnjom voćnog sadnog materijala od 1977. godine, a za 2012. godinu tržištu planiramo ponuditi 600.000 komada drvenastih voćnih sadnica s vrlo atraktivnim sortama. U novoootvorenom pogonu posao će dobiti 20 radnika, a posredno će biti omogućeno zapošljavanje daleko većeg broja poljoprivrednih proizvođača iz Srebrenika i okolnih Općina, koji će sada imati osiguran otkup tržišnih viškova voća- istakao je



Detalj sa presijecanja vrpce

Taib Joldić, direktor Voćnog rasadnika. U izgradnju poslovnog objekta, u kojem su hladnjača i pogon za preradu i pakovanje voća, uloženo je 2 miliona maraka, a uz povoljne kredite i vlastita sredstva Voćnog rasadnika, ovaj projekt finansijski je podržalo i Ministarstvo poljoprivrede, šumarstva i vodoprivrede TK-a. Kako je istakao Edin Ajanović, ministar poljoprivrede, šumarstva i vodoprivrede TK-a, otvaranjem ovog pogona stvara se pozitivna poslovna atmosfera i daje novi impuls razvoju poljoprivrede na ovom području. –Nezaposlenim građanima općine Srebrenik u ovo teško vrijeme, a na ovaj dan, kada slavimo Dan općine, otvaranje novih radnih mjesta predstavlja najbolji poklon-istakao je načelnik općine Srebrenik Mehmed Bajrektarević. –Ovakve poslovne odluke vlasnika firme "Voćni rasadnik" za svaku su pohvalu. Vlada Federacije BiH, te posebno ministar Jerko Ivanković Lijanović, ovakvim i sličnim projektima daju punu podršku. Uvezivanje sistema proizvodnje "od našeg polja do našeg stola" najbolje mogu pomoći ovakvi proizvodni kapaciteti-istakao je savjetnik federalnog ministra poljoprivrede vodoprivrede i šumarstva i dopremijera Federacije BiH Jerke Ivankovića Lijanovića, Suad Čamdžić.



Novoizgrađeni poslovni objekat Voćnog rasadnika

Manifestacijom „Pjesmom za grad“ i „Plavo veče“ završeno obilježavanje Dana općine Srebrenik

Dana 21. juna 2012, Trgu Alije Izetbegovića, održana je završna kulturna manifestacija u sklopu obilježavanja 21. juna, Dana općine Srebrenik, pod nazivom „Pjesmom za grad“. Zabava je počela oko 20 sati, a na sceni je, uz pratnju izvrsnog RIO benda, prva nastupila pobjednica „Supertalenta Srebrenik radija“ Melika Moranjkić, otpjevavši pjesmu Crno i Belo. Nakon nje nekoliko hiljada Srebreničana je zabavljala i Vahida Halilović te izvrsni izvođač rock 'n' roll muzike Nedim Zukić. U nastavku programa nastupila je Jasmina Mujkanović, učesnica šou-programa Hayat televizije „Zvijezda možeš biti ti“, te pobjednik prve sezone „Folk show-a“ koji se prikazivao na FTV, Jasmin Hasić. Uz odlično druženje, atmosferu na nivo digao je Nihad Kantić Šike. Nakon nastupanja gore navedenih zvijezda, uslijedilo je i „Plavo veče“, gdje se zvanično proslavio ulazak OFK „Gradina“ Srebrenik u Premijer ligu BiH. Gostima se obratio direktor OFK „Gradina“ Ibro Ibrić, koji se zahvalio najprije svojim igračima i navijačima, a onda i menadžmentu te općini Srebrenik kao i svima ostalima koji su pružali podršku Gradini. Voditelji programa su pojedinačno najavljivali igrače Gradine, uz gromoglasan aplauz i muziku, a nakon što su se svi pridružili na bini, predstavnik NSBiH kapitenu OFK „Gradina“ uručio je pehar, nakon čega su svi zajedno pjevali himnu kluba. Nakon svečanog slavlja ulaska našeg kluba u Premier ligu, na sceni je nastupio finalista šou-programa Hayat televizije „Zvijezda možeš biti ti“ Mirza Selimović, predstavivši i otpjevavši svoju prvu samostalnu pjesmu. U nastavku programa Mirza je, uz svoj bend, goste zabavljao narednih sat vremena. (srebrenik.net)



Koncert su gledale hiljade Srebreničana



Predstavljanje nogometaša Gradine

U Srebreniku otvoren tržni centar „Belamionix“

Dana 14.07.2012.godine, pored mag. puta Tuzla-Orašje, na lokaciji ispod bivše fabrike namještaja „Sineks“, u Srebreniku je otvoren novi tržni centar „Belamionix“. Svečani dio otvaranja počeo je u 11,00 sati svečanim presijecanjem vrpce. Vrpce su zajedno presjekli otac vlasnika firme „Belamionix“ d.o.o. Cerik-Brčko DC Ramiz Jašarević i načelnik općine Srebrenik Mehmed Bajrektarević. Otvaranju je prisustvovao veliki broj predstavnika lokalne zajednice i građana, koji su uživali u cjelodnevnom programu sa brojnim degustacijama i zabavnim programom. Pored modernog prodajnog prostora Belamionixa u prizemlju i spratu, koji je svečano otvoren, u preostalom dijelu ovog



Presijecanje vrpce

prisustvovao veliki broj predstavnika lokalne zajednice i građana, koji su uživali u cjelodnevnom programu sa brojnim degustacijama i zabavnim programom. Pored modernog prodajnog prostora Belamionixa u prizemlju i spratu, koji je svečano otvoren, u preostalom dijelu ovog



Novoizgrađeni Tržni centar "Belamionix" u Srebreniku

tržnog centra se nalaze i drugi objekti: igraonica za djecu, restoran, caffe bar, piljarnica, BEKO shop, mesnica, frizerski salon te drugi sadržaji u prostorima koji su još u fazi pripreme. Tržni centar „Belamionix“ u Srebreniku ima korisnu površinu oko 4469 metara kvadratnih, ukupna vrijednost investicije je preko 4 miliona KM a ukupan broj uposlenih u svim prodajnim prostorima u sklopu Belamionixa je oko 70 radnika. Inače firma „Belamionix“ je osnovana 1996. godine u Gradačcu, a 2006. godine su sjedište firme premjestili u Cerik, Brčko Distrikt. U veleprodaji i maloprodaji nude kućne potrepštine, proizvode od stakla, keramiku, dječije igračke, ukrasne detalje, sve vrste posuđa te široku paletu raznih prehrambenih proizvoda iz uvoza kao i od domaćih proizvođača.

Ibrahim Zukić, predsjedavajući Općinskog vijeća Srebrenik govori o radu zakonodavne i izvršne vlasti u protekle četiri godine

U zadnje tri godine za infrastrukturu više od 12 miliona KM

Pripravnički staž odradilo više od 700 mladih, visokoobrazovanih ljudi * Akcenat na vodosnadbijevanju * Izgradnja poslovnih zona u Tinji, Špionici i Sladnoj kao preduslov za stvaranje boljeg poslovnog ambijenta i nova radna mjesta



Ibrahim Zukić

koji bi Srebrenik trebali učiniti još prosperitetnijim i privlačnijim za mlade, ali i za one koji žele ulagati na ovome općinskom području.



Dr. Zukiću, kao predsjedavajući OV Srebrenik, jeste li zadovoljni urađenim na području Općine Srebrenik u protekle 4 godine?

- Naravno da sam zadovoljan, pa čak mogu kazati i ponosan na ono što smo sinhronizovano uradili mi kao Općinsko vijeće u saradnji sa našim načelnicima, prvo Osmanom Suljagićem, a zatim i Mehmedom Bajrektarevićem. Možda je moglo i više i bolje, ali u suštini smo zadovoljni. No, u narednom periodu idemo dalje da uradimo sve ono što do sada nismo uspjeli završiti, kaže Zukić.



Kažite nam s čim ste ponosni i zadovoljni kada su u pitanju protekle četiri godine?

- Preko 95% svih odluka Općinskog vijeća su donesene jednoglasno i na to sam posebno ponosan. Ponosan sam i na infrastrukturne projekte u koje je, u protekle tri godine, investirano više od 12 miliona KM, a do kraja godine očekujemo realizaciju nekoliko projekata od još nekoliko miliona KM. Tako je recimo u asfaltiranje i sanaciju putne mreže investirano blizu 3,5 miliona KM, gdje su građani učestvovali sa svega 10%. U oblasti vodosnadbijevanja za Ljenobud i Kuge utrošeno je 780.000 KM, a u filterska postrojenja u Dubokom Potoku oko 250.000 KM (100% Općina), pa bunar Kovačevac u Podorašju 90.000 KM (100% Općina), a radi se projektna dokumentacija za bolje vodosnadbijevanje Dubokog Potoka, Tinje, Podorašja, Falešića, Brnjičana, Lipja, Caga, Behrama, Šahmera, Seone... U kanalizacione i otpadne mreže uloženo je 419.000 KM, a ove godine samo u Babunovićima 210.000 KM, za površinske vode 313.000 KM, sportske poligone 330.000 KM i to sve 100% Općina. Za rasvjetu 265.000 KM, trafo-stanica u Tinji 1.800.000 KM, sanacija lokalne deponije u Babunovićima više od 2

miliona KM, koja je jedna od rijetkih sanitarnih deponija u BiH. Korićenje rijeke Tinje 1.250.000 KM, sanacija Starog grada-Gradine 260.000 KM, podsjeća predsjedavajući na brojne projekte.



To što se nabrojali je urađeno u protekle tri godine, šta je sa ovom 2012. godinom?

- Asfaltirati će se novih 14 lokalnih puteva vrijednosti 620.000 KM za koje su raspisani tenderi i svi će se realizovati do kraja godine. Zatim, iz oblasti vodosnadbijevanja za bunar Kovačevac je raspisan



U izgradnju pješačke staze od semafora do "Binga" 250.000 KM

tender vrijedan 170.000 KM, vodovod Podorašje i Dubokog Potoka su u prstenastoj vezi i imat će 2 litra u sekundi pitke vode, tu je i Glib za napajanje vodom Falešića i Brnjičana, za koje je također raspisan tender vrijedan 150.000 KM. Pri kraju je izgradnja pješačke staze od semafora prema "Bingu" vrijedna 250.000 KM koja će osigurati veću bezbjednost pješaka, prije svega djece i koja će se osvijetliti najsavremenijom rasvjetom, a asfaltirati će se uskoro i putevi u Cagama, Potpeću te naselju Karaula, čija je vrijednost 35.000 KM. Tu je i održavanje makadamskih puteva, gdje su završeni tenderi za posipni materijal, pa odvodnja površinskih voda, uređenje sportskog poligona u Centru pored MSŠ Srebrenik vrijedno 80.000 KM, čišćenje rijeke Tinje 60.000 KM, gdje je angažovano više od 60 lica, uglavnom demobilisanih boraca.



Za uređenje sportskog poligona pored MSŠ Srebrenik 80.000 KM

INFRASTRUKTURNI PROJEKTI 2008 - 2012

Svjedoci smo brojnih značajnih infrastrukturnih projekata koji su realizovani u periodu od 2008.-2012. godine. Zahvaljujući sposobnoj administraciji, koja je kvalitetnim projektima i lobiranjem uspjela dobiti sa viših nivoa vlasti značajna novčana sredstva kao i povećanim izdvajanjima iz općinskog budžeta, u ovom periodu je u razne infrastrukturne projekte uloženo preko 12.500.000 KM, zbog čega su i uži gradski dio Srebrenika kao i mjesne zajednice infrastrukturno preporođeni. U saradnji sa građanima asfaltirano je preko 30 km lokalnih puteva i gradskih ulica, izgrađeno je i rekonstruisano nekoliko vodovoda, izgrađeni su i novi kanalizacioni krakovi u koje je uloženo oko 735.000 KM, nastavljena je regulacija korita rijeke Tinje, sanirana je gradska deponija otpada, u javnu rasvjetu je uloženo preko 265.000 KM... Ovaj specijalni dodatak predstavlja presjek samo nekoliko značajnijih projekata, obzirom da bi nabrojanje svega urađenog zahtijevalo mnogo veći prostor.



Završena je regulacija korita rijeke Tinje prema Kiseljaku



Završena je II faza sanacije deponije otpada

Nakon što je općina Srebrenik završila I fazu sanacije deponije otpada u koju je uloženo oko 1.200.000,00 KM nastavljeno je sa II fazom sanacije. U II fazu sanacije odlagališta krutog otpada, koja je privedena kraju u proteklom periodu, Općina Srebrenik je uložila vlastita sredstva iz budžeta u iznosu od 242.500,00 KM. Slijedi iznalaženje adekvatne lokacije za novu deponiju. Takođe je završena druga faza zaštite korita rijeke Tinje do mosta u Kiseljaku, a slijedi nastavak korićenja rijeke Tinje od Koprića mosta do klaonice „Bašić“ u Čehajama, u što će se uložiti oko 1,5 miliona KM.

Na mjesnom području Tinje 21. juna 2010. godine svečano je pušten u rad jedan od kapitalnih infrastrukturnih projekata. Svjesni činjenice da je bez kvalitetnog dovoda električne energije nemoguć bilo kakav dalji razvoj navedenog područja, u saradnji sa višim nivoima vlasti, nakon brojnih lobiranja, urađena je trafostanica 35/10kV snage 8MVA, zajedno sa priključnim dalekovodom 35 kV Dobrnja – Tinja. Vrijednost ovog projekta je oko 2.000.000,00 KM, što je na općinsku inicijativu osigurala Elektroprivreda BiH. Na ovu trafostanicu napojeno je 45 TS 10/0,4kV napona sa oko 4000 potrošača.



Otvorena je TS u Tinji vrijedna oko 2 miliona KM

U periodu između 2008-2012 godine izgrađeno je i sanirano oko 30km lokalnih puteva. U izgradnju i sanaciju lokalne putne mreže u navedenom periodu ukupno je uloženo 3.556.000,00 KM. Iz budžeta Općine Srebrenik je izdvojeno 3.087.055,20 KM što iznosi 86,80% ukupnog iznosa, a preostali iznos u visini od 468.948,55KM (13,20%/) su finansirali građani općine Srebrenik. U navedenom periodu u Podorašju je urađeno preko 6700m putne mreže u što je uloženo oko 850.000,00 KM, vrijednost izgradnje 3940m putne mreže u Tinji je oko 330.000,00 KM, u Dubokom potoku je za 5680m puta utrošeno oko 415.000,00 KM, dok je za 4310m putne infrastrukture na području Špionice utrošeno 682.501,55 KM, na području Rapatnice za 3420m puta oko 426.000,00 KM, a na mjesnom području Sladna iznos koji je izdvojen za 3000m puta je 710.997,32 KM.



SPECIJALNI DODATAK

Lisovići su dobili 750 metara novog asfaltnog puta u šta je investirano 102.000 KM. Za sanaciju 1750 metara puta za Stražu je izdvojenopreko 280.000 KM, a takođe je saniran i put između Brezika i Zahirovića u dužini od 1520 metara u koji je utrošeno 133.000 KM. Na mjesnom području Tinje asfaltiran je put za Bajriće u dužini od 1000 m u koji je uloženo blizu 200.000 KM, a sanacija puta od OŠ Tinja do Gornje Tinje u dužini od 1500 m koštala 20.000 KM. I na području Dubokog potoka je urađeno mnogo posla vezanog za asfaltiranje kao i za sanacije postojećih puteva. U asfaltiranje puta u MZ Ljenobud je utrošeno oko 112.000 KM, dok je sanacija 1500 metara puta od Dubokog potoka do Caga koštala 67.000KM, a sanacija 1000m puta od Bjelava do Kuga oko 55.000 KM. Asfaltirano je i 650 m puta za Poljakoviće u Cagama za što je utrošeno više od 57.000 KM.



U asfaltiranje 750 m novog puta u Lisovićima investirano 102.000 KM



Za rekonstrukciju 1750 m puta za Stražu uloženo 280.000 KM



Otvorenje puta u mjestu Mešići u G. Tinji



U asfaltiranje puta Ljenobud-Kuge 112.000 KM

Na području Rapatnice asfaltirano je oko 3,5 km putne mreže. U rekonstrukciju puta od NN Luka prema Donjim Moranjcima u dužini od 1950 m je uloženo preko 215.000 KM. Asfaltirano je 550 metara puta za Badžiče vrijednosti oko 70.000 KM što je umnogome olakšalo život i kretanje građana tog dijela naše općine. U Brničanima su asfaltirana 2 putna pravca u zaseocima Šabići i Selišta dužine 400m ukupne vrijednosti 51.000 KM, dok je u asfaltiranje 3 putna pravca u Brdima investirano oko 200.000 KM. U rekonstrukciju puta na području Sladne, tačnije od Kovačevića do Murata u dužini od 2000 m su izdvojena sredstva iz općinskog budžeta u visini od 416.687,87 KM, a doprinos građana je iznosio 164.370,56 KM. U Sladnoj je rekonstruirano i asfaltirano oko 3 km putne mreže. U asfaltiranje puta u dužini od 1000 m na području Špionice od Badelke do OŠ Špionica je investirano preko 176.000KM, od benzinske pumpe OMV do stare džamije u Špionici oko 180.000 KM. U sanaciju puta u dužini od 2000 m prema Srednjoj Špionici je utrošeno oko 280.000 KM.




Otvorenje puta vrijednosti 200.000 KM u Brdima



Za asfaltni put u Brničanima 51.000 KM



Otvorenje puta NN Luka-D. Moranjci od 215.000 KM



U asfaltiranje puta OMV- džamija u D. Špionici 180.000 KM



U asfaltiranje puta od Badelke do mosta u Centru Špionice investirano je 176.000 KM





U asfaltiranje 1500 m glavnog i sporednih puteva u S. Špionici investirano 280.000 KM



U asfaltiranje puta za Bašice u D. Špionici 75.000 KM



U asfaltiranje puta kroz Ahmiće 60.000 KM



Za rekonstrukciju puta i odvodnju u Muratima 581.000 KM

Područje Srebrenika je takođe bogatije za nekoliko asfaltiranih pravaca. Pored asfaltiranja urađena je i sanacija puta za Gornji Srebrenik za koju je izdvojeno oko 55.000 KM. Asfaltiran je i lokalni put u Čehajama u šta je investirano 40.000 KM, dok je u asfaltiranje puta u Uroži-zaseok Drenik utrošeno 48.000 KM. Iz budžeta je finansirana rekonstrukcija Ulice TO vrijednosti 577.000 KM, rekonstruisan je put kroz Neum od 356.000 KM a za infrastrukturu u D. Srebrenik uloženo je 470.000 KM. Za makadamske puteve je izdvojeno i utrošeno više od 52.000 KM. Pored lokalnih puteva velika sredstva su izdvojena i za rekonstrukciju regionalnih puteva. Ukupan iznos utrošen za sanaciju iznosi velikih 3.669.000 KM. Rekonstruisani regionalni putni pravci na području općine Srebrenik su od Corn Flipsa do Sladne (vrijednost 2.000.000KM), od Lisovića prema Jasenici (vrijednost 1.200.000KM) i put kroz NN Luka (vrijednost 469.000KM).



Za asfaltiranje lokalnog puta u Čehajama 40.000 KM



Otvorenje rekonstruisane ulice Tuzlanskog odreda



Za asfaltiranje i odvodnju u naselju Neum 356.000 KM



U rekonstrukciju ulice Tuzlanskog odreda 577.000 KM



U asfaltiranje puta i vodovod u D. Srebreniku 470.000 KM



Za asfaltiranje ulice Ivana Markovića Irca 25.000 KM

SPECIJALNI DODATAK



U rekonstrukciju reg. puta Srebrenik-Gračanica od Corn Flipsa do čitaonice uloženo 600.000 KM



U rekonstrukciju reg. puta Srebrenik-Gračanica od čitaonice do skretanja za Lušnicu 650.000 KM



Za reg. put Previle - Čelić od skretanja za Lisoviće prema Jasenici 1.200.000 KM



U rekonstrukciju reg. puta Srebrenik-Gračanica i kanalizaciju u NN Luka 570.000 KM

Za projekte izgradnje javne rasvjete izdvojeno je i utrošeno 265.862 KM. U proteklom periodu su izgrađene brojne nove javne rasvjete. Između ostalog javna rasvjeta je izgrađena u Babunovićima (30.010 KM), Centru Srebrenika (84.712 KM), NN Luka (22.775 KM), Špionici Centar (17.263 KM) te naseljima Skopljaci (4.352 KM), Pandurištu (11.690 KM) i Podorašju (65.498 KM). Takođe je rasvjeta urađena u dijelu naselja Seona kao i u nekoliko ulica u Barama, dok je značajan dio postojeće rasvjete u Srebreniku modernizovan, ugradnjom novih svjetiljki.



Za javnu rasvjetu u Podorašju II (Drapnići) 65.498 KM



Za novu javnu rasvjetu u Babunovićima 30.000 KM



Za rasvjetu u Cetru Srebrenika utrošeno je 84.712 KM



Za rasvjetu u naselju Špionica Centar 17.263 KM



U rasvjetu duž reg. puta kroz NN Luka 22.775 KM



Za rasvjetu u Skopljacima i Pandurištu 16.043 KM

SPECIJALNI DODATAK

I u protekle četiri godine Općina Srebrenik je nastavila sa izgradnjom sportskih poligona kako bi mladi imali alternativu, te mjesto na kojem se mogu baviti raznim sportovima. U izgradnju poligona iz budžeta općine Srebrenik investirano je u mjestima Seona (vrijednost 31.685 KM), Dedići (vrijednost 36.280 KM), Gornji Moranjci (vrijednost 39.783 KM), Donji Srebrenik (vrijednost 46.130 KM), Huremi (vrijednost 22.755 KM), Like (vrijednost 19.862 KM), Zahirovići (vrijednost 7.500 KM), Gornji Hrgovi (vrijednost 25.000 KM) i sufinansiranje izgradnje sportskog poligona u Kiseljaku sa 3.000 KM, čime je ukupno uloženo oko 210.000,00 KM, a u dogradnju svlačionice na stadionu NK Frankopan u Špionici 13.820,00 KM.



U poligon u D. Srebreniku investirano 46.130 KM



U poligon u G. Hrgovima investirano 25.000 KM



U izgradnju sportskog poligona u Dedićima investirano 36.280 KM

U izgradnju kanalizacije otpadnih i površinskih voda uloženo je oko 734.000 KM. Kanalizacija za otpadne vode urađena je u naseljima Babunovići (220.331 KM), Brda-Grabovci (94.794 KM), ulica 211. Oslobođilačke (63.116 KM), ulica XVI Muslimanske brigade (29.320 KM), te u naselju Sofići (11.519 KM). Sistem odvodnje površinskih voda je urađen u dijelu naselja Bare (31.147 KM), u naselju pored Corn Flipsa (51.584 KM), u ulici Husejin kapetana Gradašćevića (31.855 KM). Najveći iznos je izdvojen i utrošen u Barama koje su imale najveći problem u dijelu odvodnje površinskih voda. U ovaj projekat je uloženo 198.500 KM. Kako bi se poboljšali uslovi življenja građana naše općine, te kako bi građani imali uredno snadbijevanje vodom urađeno je nekoliko projekata iz domena vodosnadbijevanja. Za snadbijevanje vodom naselja Ljenobud i Kuge, urađeno je pripajanje navedenih mjesta na postojeći gradski vodovod. Da bi ovaj projekat vodosnadbijevanja bio priveden namjeni urađena je i trafostanica. Vrijednost navedenih radova je 530.000 KM. Za izgradnju eksploatacionog bunara „Kovačevac“ u Podorašju izdvojeno je 90.000 KM. Još jedan kapitalni projekat je izgradnja postrojenja za otklanjanje mutnoće na Kugićkom vrelu, za koje je izdvojeno i utrošeno 160.950 KM.



Odvodnja površinskih voda u Babunovićima



Za novi vodovod i TS u Ljenobudu 530.000 KM



Za bunar „Kovačevac“ u Podorašju izdvojeno 90.000 KM



Detalj sa izrade odvodnje i kanalizacije u Srebreniku



U postrojenje za otklanjanje mutnoće vode na Kugićkom vrelu 160.950 KM

SPECIJALNI DODATAK

Da nisu zaboravljeni oni koji su položili svoje živote za odbranu ove zemlje, svjedoše i spomen-obilježja izgrađena u posljednje 4 godine. Tako su izgrađena spomen-obilježja u Dubokom Potoku (vrijednosti 40.000 KM), u Ljenobudu, Cagama (vrijednosti 15.500 KM), Čojluku (vrijednosti 18.500 KM), Zahirovićima (vrijednosti 16.000 KM), Ceriku (vrijednosti 14.000 KM), Crvenom Brdu (vrijednosti 18.000 KM), Muratima (vrijednosti 30.000 KM) te Lipju (vrijednosti 25.000 KM), dok je novčanim sredstvima iz budžeta data pomoć MZ-a na rekonstrukciji spomen-obilježja u Gornjem Srebreniku i Rapatnici, dok je općina Srebrenik učestvovala i u postavljanju spomen-ploče kod Lovačkog doma na Ratišu kao i na Majevidi koja svjedoči o izgradnji „Putu spasa“ tokom proteklog rata.



U spomen - obilježje u D. Potoku investirano 40.000 KM



Detalj sa otvorenja spomen - obilježje u Ljenobudu



U spomen - obilježje u Cagama investirano 15.500 KM



U spomen - obilježje u Zahirovićima investirano 16.000 KM



U spomen - obilježje u Muratima investirano 30.000 KM



U spomen - obilježje u Ceriku investirano 14.000 KM

U protekle 4 godine urađeni su i brojni drugi, manji ili veći infrastrukturni projekti, kako bi se poboljšao život građana općine Srebrenik. Dosta je urađeno i na pitanju stvaranja povoljnih uslova za ulaganja na našem općinskom području te smo svjedoci intenzivne stambene izgradnje (novi SPO-i investitora Gromeks d.o.o. Srebrenik, ITK Musić d.o.o. Srebrenik i Sekvoja d.o.o. Srebrenik), izgradnje novih tržnih centara (TUŠ, Konzum, Belamionix), a realno je očekivati privredni bum u sklopu poslovnih zona u Špionici, Tinji, Sladni... Kompletно je renoviran objekat Znanstveno-tržnog centra I na šetalištu (oko 350.000 KM), a u cilju poboljšanja turističke usluge urađena je turistička signalizacija (oko 67.000 KM), renoviran je most na Gradini te izrađena suvenirnica (oko 65.000 KM), izgrađeni su novi mostovi u Behramima (oko 158.000 KM) i Drapnićima, otvoreni novi poligoni za vanjski šah u Donjoj Tinji (vrijednosti 7.500 KM) i D. Potoku, završena je izgradnja filmske dvorane kod Druge OŠ (oko 1.800.000 KM), uveliko se realizuje rekonstrukcija kotlovnice u MSŠ Srebrenik te instalisanje novih kotlova ukupne snage 4 MW (oko 1.100.000 KM)... Obzirom da je administracija usvojila novu Strategiju razvoja općine Srebrenik od 2011-2020.g., izradila Lokalni ekološki akcioni plan 2012-2017.g. te realizovala Projekat regulatorne reforme u Općini Srebrenik, stvorene su pretpostavke daljnjeg planskog razvoja općine Srebrenik i ubuduće.



Za turističku signalizaciju i suvenirnicu 67.000 KM



U rekonstrukciju ZTC faza I investirano 350.000 KM



Za novi most u Behramima investirano 158.000 KM



Idejno rješenje Centra za djecu sa posebnim potrebama



Za rekonstrukciju mosta i suvenirnicu na Gradini 65.000 KM



Do sada ste uglavnom govorili o infrastrukturi. Šta je sa mladim ljudima, problemom njihovog zapošljavanja, privredom, šta je sa boračkom populacijom, socijalno ugroženim licima, penzionerima...?

- Mi smo Općina koja je prepoznatljiva kada je u pitanju odnos prema mladima za koje se godišnje izdvaja blizu 150.000 KM za odrađivanje pripravničkog staža, što je preduslov da lakše pronađu zaposlenje. Do sada je više od 700 mladih ljudi prošlo kroz ovaj projekat, koji su kasnije od nas prepisivale i druge općine. A ove godine će njih 80 također biti sufinansirano kroz ovaj projekat. Općina Srebrenik i Međunarodna finansijska grupacija-IFC, članica Svjetske banke, potpisali su još u decembru 2011.g. Sporazum o realizaciji Projekta poboljšanja poslovnog okruženja i konkurentnosti u BiH. Do sada su analizirani brojni administrativni postupci, definisano je skraćivanje rokova, pribavljanje dokumentacije po skraćenoj dužnosti te smanjenje administrativnih taksi i tarifa. Očekujemo da se krajem septembra 2012. godine ozvaniči uspješan završetak navedenog projekta. Smanjenjem troškova i rizika poslovanja, prije svega privrednika, očekujemo zamah novih ulaganja, nove izgradnje i nova radna mjesta, jer jedino tako možemo pomoći „armiji nezaposlenih mladih ljudi“. Što se tiče boračke populacije, za razliku od drugih općina mi smo jedna od rijetkih koja subvencionira lijekove i liječenje ovoj populaciji. Godišnje se za ove namjene izdvoji 270.000 KM, jer mi izdvajamo za boračku populaciju i pored onih redovnih primanja koja ih sljeduju zakonima. Također, oslobođeni su svih taksi koje su u nadležnosti Općine, a u zadnje četiri godine za boračku populaciju izdvojeno je blizu 1,5 miliona KM bespovratnih sredstava i blizu 350.000 KM subvencionisanja određenih kamata što je ukupno 1.850.000 KM. Tu su i jednokratne pomoći od 60.000 KM za nosioce najvećih ratnih priznanja, dok je za šehidska spomen-obilježja izdvojeno 70.000 KM. Za socijalnu zaštitu godišnje se potroši na našem općinskom području između 3,5 i 4 miliona KM, također izdvajaju se dodatna sredstva i iz budžeta a godišnje se uradi 3-5 stambenih objekata za socijalno ugrožene osobe, dok se redovno za penzionersku populaciju izdvoji po desetak hiljada KM, uglavnom za njihova banjska liječenja ili druge vidove pomoći, ističe doktor Zukić.



Vodosnadbijevanje se čini kao najveći problem. Kazali ste da je jedan projekat završen, u toku je drugi i čini se kako se ti projekti nastavljaju...

- I ubuduće će akcenat biti na snadbijevanju vodom. Pa evo i sada se trošilo blizu 100.000 KM godišnje na amortizaciju problema ugroženih naselja za opskrbu vodom i jedna smo od rijetkih općina koja to radi, a ove godine nabavljeno je i vozilo za dostavu pitke vode. Izuzev Falešića i Brnjičana riješit će se problem vodosnadbijevanja Dubokog Potoka, Tinje i Podorašja što će bit prioritet svih prioriteta. To je već negdje u fazi izvođenja radova dok je u pojedinim mjestima u toku projektovanje, dakle završni dio pred realizaciju. Planirano je i obezbjeđenje rezervi vode u dugoročnom planu.



Na šta ćete se još posebno osvrnuti u narednom periodu ? Šta su prioriteti ?

- Izuzev vodosnadbijevanja nastaviti će se sa stvaranjem što boljeg ambijenta za življenje, sa privlačenjem investitora koji će dalje ulagati u privredu za šta se stvaraju preduslovi kroz formiranje poslovnih zona u Tinji, Špionici i Sladnoj. Izgradnja nove općinske zgrade je prioritet i trenutno je pri kraju komplikovana tenderska procedura. Radit će se i na održavanju lokalnih puteva, očuvanju čovjekove okoline kroz iznalaženje nove lokacije za deponiju, zatim očuvanje čistog zraka kroz projekat toplifikacije



Nova oprema za kotlovnicu

čija se realizacija uveliko odvija i već ove zime će se na novo grijanje priključiti Prva OŠ, MSS Srebrenik i JZU Dom zdravlja Srebrenik. Planiramo i izgradnju kanalizacione mreže tamo gdje nije urađena.



Na kraju nam kažite nešto i iz oblasti sporta. Hoće li se uraditi Gradski stadion kako bi Gradina svoje premijerligaške utakmice mogla igrati u Srebreniku?

- Godišnje se za sport izdvaja više od 300.000 KM, a posebno smo prepoznatljivi u nogometu gdje je Gradina postala premijerligaš a košarkaši su također bili na pragu ovog plasmana. Tu su i odbojkaši i odbojkašice pa drugi sportovi poput karatea, šaha... Gradina će sigurno od proljeća igrati u Srebreniku jer će se uskoro raspisati i tender za izgradnju zapadne i sanaciju istočne tribine, tako što će se rebalansom budžeta izdvojiti 50.000 KM u 2012.g, a preostali dio će se platiti u 2013.g. u 4 jednake rate. Investicija za stvaranje minimalnih uslova za dobivanje licence za odigravanje premijerligaških utakmica u Srebreniku iznosi 451.000 KM.



Idejni projekat zapadne tribine

Roman „Fantazmagorije vremena“ u Našicama i Kutjevu

Dana 24.03.2012.godine u 13 sati, u kinodvorani Kutjevo te dana 11.06.2012.g, u 19:30 sati, u Izložbenom salonu ZMN „Dvorac Pejačević“ Našice, uz pokroviteljstvo Grada Našice i medijsko pokroviteljstvo Radio Našice, održani su književni susreti na kojima je, pored knjiga autora iz Hrvatske, predstavljen i roman „Fantazmagorija vremena“ autora Kemala Nurkanovića iz Srebrenika, BiH. Urednik Ilija Matić iz Županje na obje promocije je predstavio roman „Fantazmagorije vremena“ autora Kemala Nurkanovića iz Srebrenika istakavši da je to roman koji je nakon objavljivanja u BiH, te predstavljanja u Srebreniku i Tuzli, za vrlo kratko vrijeme, doživio objavljivanje i u Hrvatskoj, te je prije ovih predstavljanja imao predstavljanje u Osijeku, Zagrebu, Sv. Ivanu Zelina... Književnik iz Srebrenika Kemal Nurkanović, čitanjem odlomaka iz svog romana, predstavio je roman „Fantazmagorija vremena“ ukratko se osvrnuvši i na historiju Srebrenika. U oba nastupa Kemal Nurkanović je u više navrata nagrađivan toplim pljeskom od strane zahtjevne publike Kutjeva i Našica.



Detalj sa predstavljanja u Našicama i Kutjevu



Promocija knjige „Civilna zaštita općine Srebrenik u odbrambeno-oslobodilačkom ratu 1992.-1995. g.“

Dana 27.06.2012.godine u Plavoj sali Doma kulture u Srebreniku, pred oko pedesetak posjetilaca, održana je promocija knjige „Civilna zaštita općine Srebrenik u odbrambeno-oslobodilačkom ratu 1992.-1995. godine“. Kako su istakli recenzenti doc. dr. Samir Huseinbašić ispred Ministarstva sigurnosti BiH te mr. Zdenko Tadić, direktor KUCZ-e, radi se o svojevrsnom priručniku iz organizacije Civilne zaštite, sa posebnim aspektom na oblike i način djelovanja i upravljanja u kriznoj situaciji kakva je prošli rat, te je kao takva vrijedno štivo za sve kojima je u opisu posla zaštita i sigurnost. Inače Imširović Bajro je rođen 24.04.1964. godine u Tuzli, oženjen je, otac dvoje djece. Osnovnu školu završio je u Tinji, Vojnu akademiju kopnene vojske u Beogradu 1990.



Bajro Imširović, autor knjige



Detalj sa promocije knjige

te Fakultet političkih nauka – odsjek odbrana i sigurnost u Sarajevu 2003. godine, gdje i magistrira iz oblasti sigurnosti-zaštita i spašavanje. Stalno je nastanjen u Srebreniku i radi na mjestu šefa Općinske službe civilne zaštite, od 01.10.1996. godine. Bio je pripadnik ARBiH od 18.04.1992. g. do marta 1996. g., u kojoj je obavljao

razne komandantske dužnosti tj. bio je komandant manevarske specijalne policije Srebrenik, komandant 1. bataljona 212. brdske brigade Srebrenik i komandant 1. bataljona 211. Oslobodilačke brigade Srebrenik, kom. prilikom je, sa svojim jedinicama, ratovao na brojnim ratištima širom BiH. Posjeduje brojna stečena znanja i vještine te je od 1983.g. instruktor skijanja, instruktor ljetne i zimske alpinistike te instruktor Gorske službe spašavanja, a od 2006. g. je i instruktor za obuku Civilne zaštite. Spoljni je saradnik časopisa „Civilna zaštita“ koji izdaje KUCZ TK-a, u kojem je objavio brojne radove. Dobitnik je brojnih zahvalnica, priznanja, diploma i plaketa te Povelje općine Srebrenik.

Promovisana knjiga „Bošnjaci nakon socijalizma“, autora prof. dr. Šaćira Filandra



Prof.dr.Šaćir Filandra, dr.Senadin Lavić, mr.Nermin Tursić

U petak, 22.juna 2012.g. u organizaciji BZK „Preporod“ Srebrenik, u Plavoj sali Doma kulture u Srebreniku, održana je promocija knjige "Bošnjaci nakon socijalizma - O bošnjačkom identitetu u postjugoslavenskom dobu", autora prof.dr. Šaćira Filandra. Nakon uvodnog predstavljanja autora i knjige od strane mr. Tursić Nermina, predsjednika BZK „Preporod“ Srebrenik, o knjizi je govorio prof. dr. Senadin Lavić, predsjednik BZK „Preporod“ Sarajevo, a prisutnima se obratio i autor prof. dr. Šaćir Filandra. Izdavači knjige su BZK "Preporod" Sarajevo i izdavačka kuća Synopsis iz Zagreba. Knjiga "Bošnjaci nakon socijalizma" je mnogostrano slojevito štivo u kojem se ujedno stječe historija, hronologija, analiza, te sinteza i politološka retrospektiva najnovijeg vremena Bošnjaka i Bosne i Hercegovine. Kako su istakli promotori u knjizi je "vrijedno i rizično" što je "kritički orijentirana spram bošnjačke nacionalne politike i njenih aktera".

–„Ovo je knjiga koja će doživjeti mnogo udara, kako ona kao štivo tako i Filandra kao njen autor, jer ovo što je napisano u njoj nije nikakvo podilaženje bošnjačkom narodu, već kritika i samokritika gledana nekog ko nije direktno vezan i umiješan u politiku. Autor je decidno elaborirao greške u koracima nas Bošnjaka od 1987 pa do današnjih dana, i osnova knjiga nije nikakva anti bošnjačka ili anti muslimanska, već kritički plasirana studija oko samog identiteta imena Bošnjak, mi Bošnjaci skloni smo u svom egzodusu tražiti uzroke i razloge u nekom drugom, međutim i problem kao i rješenje cijelo vrijeme se nalazi samo kod nas“ istakao je dr. Senadin Lavić.



Detalj sa promocije knjige "Bošnjaci nakon socijalizma"

BIOGRAFIJA:

Prof. dr. Šaćir Filandra je rođen 20.02.1961. u Crnićima, općina Stolac. Diplomirao je na Filozofskom fakultetu u Sarajevu na Odsjeku za filozofiju- sociologiju 1985. godine. Doktorirao je iz oblasti Savremena politička filozofija. Izabran je u zvanje redovnog profesora 2008. godine. Predaje nastavne discipline Politička filozofija, Sociologija jezika, Politike identiteta i Socijalna filozofija na Fakultetu političkih nauka u Sarajevu. Bio je gostujući predavač na Odsjeku za historiju/političke nauke na Yale Univerzitetu u SAD (od 1999.-2000. godine), te pomoćnik predavača na Otvorenom Univerzitetu, Institut za jugoistočno-europske studije u Budimpešti (1997. godine). Autor je knjiga "Bošnjačka politika u XX. stoljeću" i "Bošnjaci i Moderna", te nosilac koautorstva za knjigu "Bošnjačka ideja" (s Enesom Karićem). Autor je preko 80 naučnih i stručnih radova. Participirao je u radu većeg broja domaćih i međunarodnih naučnih konferencija, kongresa i simpozija, kao i realizaciji više naučno-istraživačkih projekata. Od 2001. do 2009. godine bio je predsjednik BZK "Preporod". Trenutno je dekan na Fakultetu političkih nauka u Sarajevu. Njegova knjiga "Bošnjačka politika u XX. stoljeću" je osvojila nagradu i priznanje sarajevskog lista "Dnevni avaz", te je proglašena kulturnim događajem 1999. godine.

Održano „Veče saza, sevdaha i etno muzike“

Dana 19.06.2012.g. u 19 sati, u sklopu obilježavanja 21. juna, Dana općine Srebrenik, članovi Bošnjačke zajednice kulture „Preporod“ Srebrenik su na ljetnoj pozornici Doma kulture održali „Veče saza, sevdaha i etno muzike“. Oko stotinu posjetilaca imalo je priliku vidjeti nastup hora „Zefir“, Jasmina Hasića, KUD „Mehmed Ibrahimović“ te nekoliko domaćih umjetnika na sazu, koji su im priredili sat vremena raznovrsnog i kvalitetnog kulturno - zabavnog programa. Na



Nastup Suljkanović Osmana

početku programa prisutnima se obratio mr. Tursić Nermin, predsjednik BZK „Preporod“ Srebrenik, koji je istakao važnost održavanja ovakvih događaja, kako bi se naše kulturne vrijednosti poput sevdalinke i saza pokušale otgnuti od zaborava. - Sevdalinka predstavlja jedinstven narodni muzički izraz u BiH, koji se može pohvaliti dugom i bogatom



Nastup KUD-a "Mehmed Ibrahimović"

tradicijom. Sevdalinka, saz te narodne igre i kola iz BiH su dio naše tradicije, a samim tim dio onoga što mi jesmo. Mislim da ih je jako bitno očuvati od zaborava i učiniti da budu pristupačniji današnjici, a posebno mladim ljudima-istakao je Tursić.



Nastup Jasmina Hasića

Dječiji festival zabavne i narodne muzike „Supertalent Srebrenik radija“

U organizaciji Radio Srebrenika, na ljetnoj pozornici ispred srebreničkog Doma kulture 20.06.2012.g., održan je prvi Dječiji festival zabavne i narodne muzike „Supertalent Srebrenik radija“. Na festivalu je nastupilo 10 mladih talenata iz svih osnovnih škola s područja općine Srebrenik. Stručni žiri u čijem sastavu su bili, profesor muzike Jasmin Brašnjčić, profesorica muzike Ismeta Ibrišimović, finalist šou-programa „Zvijezda možeš biti ti“ Mirza Selimović i diplomirana glumica Fatima Zahirović donijeli su jednoglasnu odluku kojom je prvo mjesto osvojila, mlada i talentovana Melika Moranjkčić. Odlukom žirija drugo mjesto je osvojila Lejla Zahirović, dok je treća Aida Okić. Predstavnik Radio-Srebrenika Mirza Ibrišimović i predsjednik Bošnjačke zajednice kulture „Preporod“ Srebrenik Nermin Tursić najuspješnijim takmičarkama uručili su novčane nagrade i poklone u vrijednosti od 200, 150 i 100 maraka. Prigodni paketi s prehrambenim namirnicama uručeni su



Pobjednici takmičenja sa žirijem i Selimović Mirzom

i svim ostalim učesnicima festivala. Velikom broju posjetilaca festivala, u pauzama nastupa mladih talenata, sa nekoliko pjesama predstavio se i Mirza Selimović, finalist šou-programa Hayat televizije „Zvijezda možeš biti ti“. (foto srebrenik.net)

Održana likovna kolonija „Majevica 2012“



Učesnici likovne kolonije "Srebrenik 2012"

Ispraćajem gostiju u Srebreniku je završena Četvrta likovna kolonija „Majevica 2012“. U sklopu ove tradicionalne kulturne manifestacije, od 19. do 25. juna 2012.godine, u prelijepom ambijentu etno – parka, vlasnika Svjetlana Bešića, koji se nalazi na vrhu planine Majevice, na nadmorskoj visini od 720 metara, svoja umjetnička djela stvaralo je 12 likovnih umjetnika iz Makedonije, Srbije, Hrvatske, Austrije i BiH. Po prvi put osim slikara nastupili su i kipari. Nastalo je oko 25 slika slikanih raznim tehnikama te 2 kiparska rada inspirisanih ljepotama Majevice i srednjovjekovne tvrđave, koja se nalazi na obroncima ove planine. Ovogodišnja likovna kolonija bila je u znaku popularizacije idejnog projekta zimskog i ljetnog sportsko – rekreativnog centra koji bi se trebao graditi na planini Majevici. Kao i do sada, dio vrijednih umjetničkih djela dat će se na auk-

ciju, a cjelokupan prihod od njihove prodaje usmjerit će se u humanitarne svrhe. Organizator ove



Osim rada bilo je vremena i za veselje



Detalj sa likovne kolonije

tradicionalne likovne kolonije je veliki zaljubljenik prirode, Svjetlan Bešić iz Srebrenika, koji svojim angažmanom u oblasti slikarstva i umjetničke fotografije pokušava skrenuti pažnju na značaj očuvanja prirodnih ljepota planine Majevice i brojnih kulturno – historijskih spomenika. Uz općinu Srebrenik, organizaciju ovogodišnje likovne kolonije finansijski je podržala i Vlada Distrikta Brčko. –Za razliku od dosadašnjih likovnih kolonija održanih na Majevici, ove godine se možemo pohvaliti dodatnim kvalitetom nastalih umjetničkih djela, a prema općem mišljenju svih učesnika, neki od tih radova su sami vrh, u što će se građani općine Srebrenik moći uvjeriti na izložbi koja će se održati 15.02.2013., u sklopu obilježavanja Dana povelje. Likovna kolonija Majevica uskoro planira da održi izložbu svojih radova u Tuzli i Brčkom – ističe Bešić.

Godišnji koncert polaznika Osnovne muzičke škole Srebrenik

Dana 27.06.2012.godine u holu Prve osnovne škole u Srebreniku, polaznici Osnovne muzičke škole u Srebreniku su održali tradicionalni godišnji koncert. Radi o događaju koji se ponavlja već 5 godina, od kada je Osnovna muzička škola i formirana pri Prvoj OŠ Srebrenik, a oko 40 prisutnih roditelja i građana općine Srebrenik, su bili svjedoci jednog kvalitetnog nastupa polaznika ove škole, njih 24 koji su prošli na interno održanoj audiciji preko 90 polaznika. Kao i do sada najviše učenika je nastupilo na klaviru, izvođenjem brojnih Sonatina, Preludija, Etida... od najznačajnijih kompozitora klasične muzike, ali su zapažen nastup imali i učenici koji sviraju harmoniku i gitaru. Na kraju koncerta nastupio je hor i orkestar harmonikaša Osnovne muzičke škole, koji su, pod dirigentskom palicom Vildane Zukić, izveli sevdalin-



Učesnici godišnjeg koncerta Muzičke škole

ku „Zaplakala šećer Đula“. Najviše simpatija, kao i uvijek do sada, su pobrali polaznici I razreda dok su se polaznici II, III, IV i posebno V razreda (vrijedi istaći zapažen nastup Emine Emkić) predstavili kao već vrsni izvođači komplikovanih muzičkih djela te spremnih da se i na raznim takmičenjima „uhvate u koštac“ sa učenicima drugih muzičkih škola iz BiH i regiona, koji imaju daleko veću tradiciju. Kao što je poznato u Prvoj osnovnoj školi u Srebreniku, školske 2007/2008. g. formirana je Osnovna muzička škola. Na osnovu viđenog postignut je pun pogodak, jer su svi mogli primijetiti vidan napredak u sviranju kod svih polaznika, tako da učenici ali i njihovi nastavnici zaslužuju sve pohvale.

U Srebreniku održan veliki predramazanski koncert „Na krilima ramazana“

Ansambl „Zefir“ iz Srebrenika je 17.07.2012.godine u Sportsko-rekreativnom centru u Srebreniku bio domaćin velikom predramazanskom koncertu pod nazivom „Na krilima ramazana“. Koncertu je pobudio veliku pažnju kod srebreničana pa mu je prisustvovalo oko 1.500 ljubitelja duhovne muzike koji su više od tri sata imali priliku uživati u odabranim ilahijama, kasidama i sevdalinkama. Za nezaboravan doček najodabranijeg mjeseca kod muslimana potrudili su se Ansambl „Zefir“ Srebrenik kao domaćin koncerta, hor „Nuru Ayni“ iz Kalesije, hor „Mošus“ Brčko, hor „Sejfullah“ Konjic, hor „Azizija“ Orašje, Omladinski ansambl iz Tešnja, ansambl „Zefir“ Srebrenik, kao specijalni gosti Armin Muzaferija i Jasmin Hasić. Organizacija koncerta je bila na zavidnom nivou kao i same izvedbe. Veoma zapažen i kvalitetan nastup Ansambla „Zefir“ je opravdao mukotrpan rad cijele godine, mnogo odricanja, veliki broj kvalitetnih proba, te angažman svih članova ansambla, pod dirigentskom palicom prof. Jasmina Brašnjića. Ansambl Zefir je učestvovao na predramazanskim koncertima ilahija i kasida "U susret ramazanu", koji su se održali u Janji i Banovićima, što je nastavak uspješnih nastupa našeg ansambla.



Detalj sa predramazanskog koncerta

Otvoren „OGUS 2012“

Dana 25.08.2012.g., na platou ispred Starog grada Srebrenika iz 1333.godine u Gornjem Srebreniku, zvanično je otvorena kulturna manifestacija „OGUS 2012“ (Srebrenik otvoreni grad umjetnosti), koja se tradicionalno obilježava još od davne 1977. godine. Pred stotinjak posjetilaca, zvucima zurlaša započeo je i ovogodišnji OGUS, a nakon uvodnih zvuka iz frula, zurla i bubnjeva domaćih svirača, gostima se, u ime općinskog načelnika Mehmeda Bajrektarevića, obratio i svečano otvorio manifestaciju OGUS 2012, savjetnik načelnika Faruk Vikalo, koji je između ostalog kazao: –Iz godine u godinu smo svjedoci kako umjetnici sa raznih strana svijeta dolaze u Srebrenik, a i sinoć smo dočekali nove umjetnike, koji će likovnim djelima, nastalim u ovom predivnom mjestu Srebreniku, obogatiti našu kulturnu ponudu. OGUS je prepoznatljiva kulturna manifestacija na području TK-a, uspješno se obilježava sada već 35 godina, a i pored teške ekonomske situacije trudimo se da svake godine izdvojimo određena novčana sredstva, kako bi ova manifestacija mogla građanima ponuditi niz, već standardnih kulturnih sadržaja, među kojima svatko može pronaći nešto za sebe. Nakon zvaničnog otvorenja OGUS-a 2012,



Detalj sa otvorenja OGUS-a (foto: srebrenik.net)



Nastupom zurlaša otpočeo je OGUS 2012

izveden je poetsko – scenski kolaž „ZAPIS“ koji je režirala Dženana Džanić. Scenaristi su Dženana Džanić, Siniša Kahvić i Damir Mašić a u kolažu su učestvovali: Dženana Džanić, Fatima Zahirović, Dražen Pavlović, Damir Mašić, Siniša Kahvić, harmonikaš Alen Hodžić, sazlija Ahmet Hogić, zurlaši te Gradski folklorni ansambl sa koreografijom „Balkan“.



Detalj sa otvorenja OGUS-a (foto: Svjetlan Bešić)

Održana „XI smotra folklora“ Srebrenik

U sklopu realizacije programskih sadržaja „OGUS-a 2012“ i obilježavanja 37. godišnjice postojanja i rada Kulturno-umjetničkog društva „Mehmed Ibrahimović“ Srebrenik, u Srebreniku je dana 26.08.2012.godine od 19 sati na ljetnoj pozornici ispred Doma kulture, održana „XI smotra folklora“, na kojoj su, uz domaćine, učestvovala još 3 KUD-a. Uz nastup KUD „Mehmed Ibrahimović“ Srebrenik, jednog od najstarijih kulturno-umjetničkih društava na području Tuzlanskog kantona, srebreničkoj publici su se predstavili članovi kulturno-umjetničkih društava BZK „Preporod“ Doboj Istok, KUD „Karaula“ Travnik i KUD „27. juli“ Prokosovići, dok su, iz nama nepoznatih razloga, gostovanje otkazala 4 najavljena KUD-a iz Brčkog, Jablanice, Petrova i Republike Hrvatske. Obučeni u živopisne narodne nošnje, domaćini i njihovi gosti upriličili su cjelovečernji kulturno-umjetnički program. Nažalost relativno mali broj posjetilaca imao je priliku uživati u spletu igara



Detalj sa XI smotre folklora u Srebreniku

iz Bosne i Hercegovine, ali i iz svih krajeva s prostora bivše nam zajedničke države, dok su se, u pauzama nastupa KUD-ova, kvalitetnim izvedbama sevdalinki predstavili Kešetović Teufik i Fazlić Hajrudin.

„Dječiji dan“ u sklopu OGUS-a 2012

Dana 27.08.2012.g., u sklopu manifestacije „OGUS 2012“, ispred Doma kulture u Srebreniku, održana je manifestacija za djecu pod nazivom «Djeca slikaju svom gradu». Oko 130 mališana uzrasta od 2 do 12 godina, na rolni papira dugačkoj oko 60 metara, zajednički crtajući predmete prema slobodnom izboru, imalo je priliku izraziti svoju kreativnost i slikarsko umijeće. Najčešći motivi su bili iz prirode, Gradina i planina Majeveca, a sve radove su ocijenili umjetnici koji borave



Učesnici Dječijeg festivala zabavne muzike

na koloniji OGUS-a 2012. Ovom prilikom svim mališanima su uručeni i prigodni pokloni. Istog dana u nastavku programa, takođe u sklopu manifestacije „OGUS 2012“, na ljetnoj pozornici ispred Doma kulture u Srebreniku, održan je i tradicionalni festival zabavne muzike „Dječiji festival zabavne muzike“. Na festivalu, koji je i ovog puta bio revijalnog karaktera, predstavilo se 11 učenika iz svih srebreničkih Osnovnih škola, mladih izvođača zabavne muzike, čiji je nastup pratilo preko stotinu posjetilaca. Organizatori su svim učesnicima uručili prigodne poklone.

Održan Festival saza i sevdaha „FESS 2012“

Programski sadržaj sedmodnevne kulturne manifestacije „Otvoreni grad umjetnosti u Srebreniku 2012“ upotpunjen je i tradicionalnim „Festivalom saza i sevdaha FESS 2012“. Kao i prethodnih godina i ovog puta organizator smotre najboljih sazlija i izvođača sevdalinke na sazu bio je Klub sazlija BZK „Preporod“ Srebrenik, a u cjelovečernjem programu učestvovali su: Razim Slanjankić, Sadil Mehmedović, Mustafa Muminović, Osman Suljkanović, Mehmed Šiljić, Suad Džanić, Adela Turkić, Miralem Selimović, Jusuf Brkić, Salih Mujezinović, Sulejman Šarić, Avdija Aguši, Ahmet Hogić i Murat Vrabac. Nastupom interpretatora sevdalinke na sazu Nuhije Tairovcija s Kosova ova manifestacija dobila je i regionalni značaj, a posebno oduševljenje ljubitelja tradicionalne sevdalinke izazvao je i nastup neprevaziđenih sazlija dr. Hašima Muharemovića i Rajka Simeunovića. Bardovi tradicionalnog bh. sevdaha predstavili su se pjesmama „Pričala mi kona tvoja“, „Ostavljen sam već odavno“ i „O sabahski tihi vjetre“. U okviru ove manifestacije nastupili su članovi KUD-a „Mehmed Ibrahimović“ Srebrenik a program je upotpunjen i fragmentima iz djela Derviša Sušića koje je govorio tuzlanski glumac Elvis Jahić. Posjetiteljima ove manifestacije na otvorenoj pozornici srebreničkog Doma kulture prikazan je i kratkometražni igrani film „Saz na kuli Gradaščevića“, autora Razima Slanjankića.



Detalj sa Festivala "Fess 2012"

Muzičkim večerima završen „OGUS 2012“

Dana 29.08.2012.godine, u sklopu kulturne manifestacije „OGUS 2012“, na ljetnoj pozornici ispred srebreničkog Doma kulture održan je rock koncert, na kojem je nastupila poznata srebrenička rok grupa „Generacija bez kompasa“ (GBK). Kao predgrupa nastupio je mladi srebrenički bend „Ultrazvuk“. I naredne večeri ljubitelji muzike došli su „na svoje“ jer je u sklopu navedene manifestacije održan koncert „Mirza Selimović i prijatelji“, na kojem je, pored sjajnog Mirze, nastupila i jedna od takmičarki show-a ZMBT, Jasmina Mujkanović. Dana 31.08.2012.godine, u sklopu manifestacije „OGUS 2012“, na pozornici ispred Doma kulture u Srebreniku, održana je manifestacija pod nazivom „Vinkovačko veče“. U okviru programa posjetioci su se predstavili članovi tamburaškog orkestra „Dike“ iz Vinkovaca, koji slave 26. godina uspješnog rada i koji su izvedbom pjesama iz Slavonije, kao i vlastitim obradama sevdalinki, oduševili posjetioce. Nastupu tambu-

raša iz Vinkovaca prisustvovali su gradonačelnik Vinkovaca dr. Mladen Karlić sa saradnicima i načelnik općine Srebrenik Mehmed Bajrektarević, koji su ovom prilikom razmijenili poklone. Navedenim sadržajem svečano je i zatvorena manifestacija „OGUS 2012“.



Nastup Mirze Selimovića



Detalj sa manifestacije "Vinkovačko veče"



Detalj sa koncerta ansambla "Dike"

Lejli Zahirović prvo mjesto na „Festivalu pjevača amatera Tinja 2012“

Dana 26.08.2012.godine, pred oko hiljadu prisutnih u Domu mladih Tinja Gornja, održano je finalno veče pjevača amatera u organizaciji Asocijacije Mladih Tinja. Naime, prisutni su upoznati sa činjenicom da je jedini cilj festivala stvaranje boljeg ambijenta i razvijanje kulturnog života u Tinji. Sav sadržaj festivala je bio usmjeren na činjenicu da mladi ljudi zaslužuju priliku da pokažu svoj talenat. Festival je trajao mjesec dana, a u periodu od četiri nedjelje prisutni su imali priliku da slušaju kandidate različitih muzičkih profila. Finalno veče festivala je počelo u 21 sat, a predstavilo se sedam finalista sa po dvije pjesme. Nakon predstavljanja svih finalista prisutne su zabavljali specijalni gosti Mirza Selimović, Armin Kišić i Nedim Zukić – Zuka. Dok je stručni žiri zbrajao ocjene i odlučio kome će pripasti nagrade, atmosferu je do usijanja podigao Mirza Selimović, koji je svojim nastupom impresionirao publiku. Stručni žiri sačinjavali su: Elvir Brčo Talović (predsjednik), prof. Elvis Kurtić, Mirza Selimović, Nedim Zukić, Mirmel Imširović i Asmir Zukić. Prije proglašenja pobjednika od strane organizatora uručene su zahvalnice svim učesnicima i osobama koje su uzele učešće u organizaciji ovog festiva-



Fotografija organizatora i pobjednika festivala u Tinji

la, također je najavljeno da organizator planira da ovaj festival postane tradicionalan. Odlukom stručnog žirija prvo mjesto i nagrada od 200KM je pripala Lejli Zahirović, drugo mjesto i nagradu od 100KM osvojila je Rabiha Mahmutović, dok je treće mjesto i nagradu od 50KM osvojio Adi Hasić. Nagrada publike te novčana nagrada od 50KM pripala je Ajdinu Mušiću. (www.srebrenik.net)

Održana manifestacija „Žetva 2012“

Dana 21. jula, u organizaciji Udruge za etno, ekološki i ruralni razvoj "Stara sinija" Srebrenik, u Etno dvorištu "Marojević" u Gornjim Hrgovima, održana je tradicionalna manifestacija "Žetva 2012", koja je, kako se i očekivalo, i ovog puta okupila veliki broj učesnika i gostiju iz BiH, Hrvatske i Srbije. Na ovoj manifestaciji i ove godine sudjelovale su folklorne grupe iz Županje (Hrvatska), Subotice (Srbija), te iz nekoliko gradova iz tuzlanske regije. Defile sudionika pratili su tradicionalni instrumenti, zurle i bubnjevi, a sudionici su kosili i želi odjeveni u narodne nošnje svih naroda koji žive na ovim prostorima. Žetva i vršidba obavljena je na strojevima starijim više od 100 godina. Ovoj manifestaciji prisustvovali su brojni ugledni gosti iz općine Srebrenik, Tuzlanskog kantona te mr. sc. Josip Juras, generalni konzul u Tuzli, dok je žetvu službeno otvorio predsjednik Federacije BiH Živko Budimir. - Ova manifestacija podsjeća na godišnju žetvu koja je nekada bila egzistencijalni temelj svake seljačke obitelji ali i simbol radišnosti i društvenosti ovdašnjih ljudi. Žetva je za našeg seljaka uvijek bila veoma važan posao, ne samo jer se ubirao plod napornog rada već i zbog blagostanja koje je donosila rodna godina. Manifestacija "Žetva 2012" donosi prikaz kako se nekada ručno kosila pšenica te obavljala vršidba uz pomoć starih strojeva (na guvnu, vršalicom, viharom). Prikaz žetve i vršidbe odvija se cijeli dan po pojedinim dijelovima na polju. Kosci kose, rukovedalje srpom skupljaju pšenicu, a muškarci svezano snoplje postavljaju u kuće. Nakon toga snopove odnose na mjesta vršidbe gdje razrezane snopove ubacuju u bubanj vršalice, vihare koja odvaja zrno od košuljice – pljeve-istakao je Mato Marojević, predsjednik Udruge „Stara sinija“. U prikazu tradicionalne žetve učestvovali su predstavnici sva tri naroda čime se, kako su istakli predstavnici organizatora, željelo pokazati da područje Hrgova i Špionice predstavljaju Bosnu u malom te da su predstavnici svih naroda ovdje zajedno u svakoj prilici pa i ovoj, kojom se prezentira kako se nekada davno ubirala ljetina. Prva



Detalj sa manifestacije "Žetva 2012"

"Žetva" pšenice održana je 2009. g. u organizaciji Etno dvorišta "Marojević" iz Gornjih Hrgova i Obiteljskog poljoprivrednog gospodarstva "Veselčić" iz Špionice Srednje. Žetva" je jedini projekat ovakvog karaktera u BiH, a svojom originalnošću već tri godine upotpunjuje turističku ponudu ovog kraja. Projekat je započet kako bi se prikazale zaboravljene pojedinosti iz života naših predaka te samim time pohranilo znanje o vlastitoj kulturnoj baštini. Cilj projekta je otrgnuti iz zaborava starinski način žetve, povezati narodnu kulturnu baštinu i gastro specijalitete te stvoriti manifestaciju s ciljem oživljavanja starih običaja naših sela.



Detalj sa manifestacije "Žetva 2012"

Sportski klub spasilaca "Gradina" Srebrenik održao Vježbu spašavanja

Dok su za većinu topli ljetni dani u znaku godišnjih odmora za članove Sportskog kluba spasilaca "Gradina" Srebrenik isti su bili u znaku vježbanja. Kroz veranje uz stijenu, izrada osiguravališta, spuštanje niz stijenu i s visine bez oslonca pomoću osmice i spuštalice i hodanje niz stijenu i spuštanje niz most, grupa od 20-ak odvažnih momaka i djevojaka, zaljubljenika u ekstremne sportove su na lokalitetu Starog grada Srebrenika i temperaturi od 30 stepeni Celzijusa, svoja stečena teoretska znanja uvježbavali praktično. Prema riječima instruktora, magistra Bajre Imširovića, pokazna vježba bazirala se na spašavanju unesrećenih sa strmih litica „srebreničke Gradine“ u prilično ekstremnim uslovima nepristupačnog terena. Iako prva asocijacija uglavnom nas veže na momke spremne da vam i u najtežim prilikama pruže pomoć, ovog puta se pokazao i entuzijazam ali i spremnost i članova žen-

skog tima koje su ravnopravno podnosile sve napore. Adrenalina ni ovog puta nije nedostajalo a srebrenički spasioci su još jednom potvrdili svoju spremnost i obučenost i za one najekstremnije okolnosti.



Članovi kluba spasilaca "Gradina" Srebrenik sa instruktorima

Miodrag Savić prvi na turniru „Džafer Hogić 2012“



Miodrag Savić, pobjednik turnira

Dana 16.06.2012. godine, u sklopu obilježavanja 21. juna, Dana općine Srebrenik, u organizaciji Š.K. «Srebrenik», u Motelu „Park“ Srebrenik, održan je 8. memorijalni šahovski turnir „Džafer Hogić 2012“, na kojem je nastupilo 106 šahista iz Srbije, BiH, Hrvatske i Crne Gore, među kojim je bilo 7 vелеmajstora, te po 7 internacionalnih i FIDE majstora. Igralo se devet kola po švicarskom sistemu s tempom igre od 14 minuta po igraču, a najuspješniji je bio vелеmajstor Miodrag Savić (Srbija) sa 7,5 poena, kojem je ovo treći trijumf na ovom turniru. Od drugog do osmog mjesta su se, sa osvojenih 7 poena, smjestili redom: vелеmajstor Borko Lajthajm iz Srbije, vелеmajstor Dušan Popović iz Srbije, vелеmajstor Goran Čabrilo iz Srbije, vелеmajstor Ivan Leventić iz Hrvatske te internacionalni majstori Vlado Jakovljević, Šahbaz Nurkić i Dalibor Stojanović, svi iz BiH.

Veliki uspjesi Srebreničana u odbojci na pijesku

Na području Općine Srebrenik postoje tri terena za odbojku na pijesku i to ispred zgrade Općine, na SRC „Orion“ i pored gradskog bazena u Srebreniku. Iako bi se isti mogli dodatno urediti te adekvatno osvijetliti za igranje noćnih mečeva, i ovakvi tereni pružaju mogućnost za sport i rekreaciju brojnim zainteresovanim pojedincima. U toku ljeta jedna od najaktuelnijih i svakako najzanimljivijih sportskih aktivnosti je odbojka na pijesku, koja iz godine u godinu privlači sve više zaljubljenika, kako muškaraca tako i pripadnica ljepšeg spola. Prema informacijama dobijenim iz menadžmenta OK „Gradina-Herceg“ Srebrenik, u toku ljeta održano je više turnira na području naše općine i to: 1)turnir povodom 21. juna, Dana općine Srebrenik, na kojem su pobijedili Jasmin i Samir Imširović 2)turnir u SRC „Orion“ gdje su pobijedili Slanjankić Nedim i Begović Arman, te potom i Hasanović Rijaldo i Bahić Željko. U SRC „Orion“ održan je i prvi turnir u ženskoj konkurenciji na kojem su pobijedile Kavazović Alma i Harčinović Amila. Da se na području općine Srebrenik igra vrhunska odbojka na pijesku pokazala je i pobjeda Suljić Zerine i Sinanović Armina na terenu na Panonskom jezeru, dok je 5. i 6. augusta, u Baziku, kraj Save, u Općini Domaljevac-Samac, održan elitni turnir na kojem je ubjedljivo, bez izgubljenog seta, pobijedio dvojac iz Srebrenika Alen



Alen Harčinović i Nedim Slanjankić

Harčinović i Nedim Slanjankić, inače igrači OK „Gradina-Herceg“ Srebrenik. O jačini turnira govori podatak da su na njemu nastupili brojni igrači iz prve hrvatske lige, premijer lige BiH, kao i iz prve lige FBiH. Drugoplasirani na turniru bili su Matej Čičković i Anto Oršolić, igrači OK Varaždin i OK Domaljevac, dok su trećeplasirani Ivan Mijić i Zlatko Varžic, igrači OK Jedinstvo Brčko i OK Domaljevac. Turnir je trajao dva dana, organizacija turnira bila je na visokom nivou, a, unatoč visokim temperaturama, posjećenost je bila solidna. Za prve tri plasirane ekipe obezbjeđene su vrijedne novčane nagrade.

Završen turnir „Streetball i trice 2012“

Turnir „Streetball i trice 2012“ završen je u kasnim noćni satima u subotu 01.09.2012. godine. Učešće su uzeli košarkaši iz Bijeljine, Gračanice, Gradačca, Brčkog, Odžaka, Modriče i Srebrenika. U prvom dijelu programa igrao se turnir u kategoriji 1996. godišta gdje su, na veliku radost domaće publike, najbolji bili košarkaši Silver Kingsa iz Srebrenika. Drugo mjesto je zauzela odlična ekipa Gračanice a treće mjesto je pripalo ekipi Odžaka, koji su na ovom turniru bili pojačani španjolskim reprezentativcem i članom Barcelone Adnanom Omeragićem. Kod takmičenja u šutiranju trojki bilo je prijavljeno 32 takmičara. U prvom krugu bilo je iznenađenja a najveće su priredili mladi Gračanlija Mešetović koji je pobijedio prošlogodišnjeg finalistu Hasiba Buljubašića, kao i član Silver Kingsa Azur Ibrić pobijedivši Omeragića. Najmlađi učesnik ovog takmičenja bio je Petar Simeunović iz Bijeljine sa svojih 10 godina bez problema je pogađao šuteve iza linije 6.75, a uz malo

sreće mogao je i u drugi krug. Nakon prvog kruga revijalnu utakmicu odigrali su predpioniri Silver Kingsa a u nastavku „trica“ put do finala su izborili Zlatan Muratović i mladi Dino Hamidović koji je na tu noć slavio svoj 15-ti rođendan. Pobjedu je odnio mladi Hamidović, član KK Gradačac, kojem je pripala nagrada od 200 KM, dok je drugoplasirani Muratović dobio nagradu od 50 KM. (www.srebrenik.net)



Juniori OFK Gradine osvojili treću uzastopnu titulu

Juniorska selekcija OFK Gradine na čelu sa trenerom Nerminom Džanićem osvojila je treću uzastopnu titulu Prve lige BiH-grupa Sjever. Džanićevi izabranici bili su superiorni u ovome takmičenju, ostavivši iza sebe dobojsku Slogu i banovičku Budućnost. -Ovo je samo jedna u nizu naših sjajnih generacija, a većina njih je upisala i seniorske nastupe i time učestvovala u osvajanju šampionske titule u Prvoj ligi FBiH obezbijedivši Gradini plasman u Premijer ligu, kazao je njihov trener Nermin Džanić, koji uspješno vodi juniorske generacije Gradine blizu dvije decenije. U završenoj sezoni juniori Gradine u 25 utakmica ostvarili su 21 pobjedu, jedan remi i tri poraza uz impresivnu gol razliku 100:26. Prvi strijelci ekipe su Tursunović i Andrić sa po 19 golova, Džaferović 18, Husejnbasić 13, Mašić 7, Selimović 6, Lipljankić 4, Musić 3, Hodžić 3, Ordagić 3. Najveća pobjeda ostvarena je nad Omladincem iz Mionice sa 16:0. Šampionsku titulu juniora Gradine u sezoni 2011/12, obezbijedili su: Almir Kantić, Bakir Ćosić, Adin Jahić, Nail Andrić, Ermin Husejnbasić, Amer Lipljankić, Amer Ordagić, Emil Tursunović, Haris Sarvan, Mehruđin Bu-



Šampionski tim juniora OFK Gradina

lić, Omer Mustafić, Armin Feleki, Irfan Selimović, Emir Lelić, Hamdija Džaferović, Sadržir Hodžić, Nedžad Vehabović. I u Omladinskoj Premijer ligi BiH juniori Gradine su, za razliku od seniora OFK Gradina, nastavili pobjeđivati (Sarajevo, Velež...) i ne sumnjamo u nastavak njihovih uspjeha.

Trocadero pobjednik „Radničkih igara“



Ekipe Trocadera uvjerljivom pobjedom u finalu uspjela je odbraniti prošlogodišnji naslov najbolje ekipe „Radničkih igara-Srebrenik 2012“. Superiorni tim ovogodišnjih Radničkih igara u finalnom duelu bio je bolji od iskusne ekipe Ado-tex rezultatom 4-0, koja nije uspjela parirati mlađim i rastrčanim „konobarima“. Njihov igrač Jasmin Ravkić ponio je epitet najboljeg igrača. U duelu za treće mjesto, Herceg je također bio uvjerljiv nad Perselom, kojeg je savladao sa 3:0. Za najboljeg golmana proglašen je Nedret Osmanović iz ekipe Ado-tex. Radničke igre odigrane su u organizaciji JU „Sportsko-rekreativni centar“ Srebrenik, a pod pokroviteljstvom Općine Srebrenik, na kojima je učestvovalo 16 privrednih subjekata sa ovog općinskog područja. Najboljim ekipama i pojedincima uručene su novčane nagrade, pehari i diplome, koje je uručio šef Službe za društvene djelatnosti, raseljena i izbjegla lica Općine, Muhamed Jašarević.

Čifluk ponovo najbolji u ligi mjesnih zajednica

Liga mjesnih zajednica u malom nogometu-Srebrenik 2012, okončana je odbranom naslova ekipe Čifluka u seniorskoj konkurenciji. Oni su u finalnom dvoboju bili bolji od Čehaja nakon izvođenja penala dok je regularni dio meča završen 1:1. I pobjednik u kategoriji U16 stigao je nakon kaznenih udaraca, gdje je Luka bila bolja od Kiseljaka, dok su u kategoriji U14 prvo mjesto osvojili Babunovići. Najboljim igračem u kategoriji U14 proglašen je Ervin Mahmutović, a golmanom Hasan Salihbašić. Za najboljeg igrača u uzrastu U16 proglašen je Edin Žilić a za golmana Emil Pudilović. Liga mjesnih zajednica postala je već tradicionalna a i ove godine održana je u organizaciji JU „Sportsko-rekreativni centar“ Srebrenik, „Sportski savez Općine Srebrenik“, te „Fudbalski savez Općine Srebrenik“. Na ovom takmičenju je učestvovalo 30 ekipa sa blizu 300 takmičara, a ukupan nagradni fond je iznosio blizu 2.000 KM.

